



F

XVIII

17/e

F. xviii.

7/e

37728/B/1

part of MORTON, R

Opera medica 1727

pt II

MARTINI
LISTER

MEDICINÆ DOCTORIS

LONDIN. CELEBERR.

TRACTATUS

DE

VARIOLIS

VARIIS HISTORIIS ILLUSTRATUS,

EDITIO NOVISSIMA.



GENEVÆ,

Sumptibus PERACHON & CRAMER.

M. DCCXXVII.

AMERICAN

1774

LIBRARY

PHYSICIAN

OF THE

STATES

OF

AMERICA

PHYSICIAN

OF THE



1847

PHYSICIAN

AMERICAN



MARTINI
 LISTER M. D.
 TRACTATUS
 DE
 VARIOLIS.



DISQUISITIONEM hanc de *variolis* libenter aggredior, quòd morbus jam popularis est; & si non ita esset, in hac tamen longè maxima totius Europæ urbe semper (ut ex mortuorum rationibus publicis, hebdomadatim editis) grassatur; quamvis nunc temporis multo infestior sit, quàm à decem retro annis. Deinde, quòd præclarum exemplum sit usûs & naturæ ductuum glandularum excretoriorum de quibus in superiore exercitatione anatomica atque alibi olim tam multa diximus.

Novum autem morbi genus est, & licet antiqui aliquam de his pustulis mentionem fecerint, prout nonnullis scriptoribus visum est; ea certè admodum exigua est, & dubia, ut certum sit vix illis temporibus fuisse talem morbum: negligentissimi sanè habendi essent, si tam ingens, còmunè, frequens malum ita ex toto silentio involvissent. Illud verò satis demonstrat hunc morbum novum esse, quòd in multis mundi partibus nusquam visus fuit, ut apud Indos Occidentales, ubi nunquam apparuit, nisi postquam Hispani eò pervenère; siquidem per contagionem Æthiopis cujusdam illuc delati, magnam Indorum partem sustulit. Atque hoc attestatur idoneus autor, nempe ille Olyssipponensis R. à Fonseca.

Illud autem extra controversiam est, hunc morbum ab Arabibus seculo ferè duodecimo primùm descriptum esse; à quibus ejus notitiam ac curam habuimus, mirabile sanè quanta accuratìone illum nobis tradiderunt.

Adi, sis, *Avicennam*, *Mesuem*, *Rasin*, *Alzaharavium*; diligenter attende ad ea, quæ de Variolis scripserunt; confer cum tuis: deinde, dic mihi, quid nostri homines adjecerint novi; Tu qui aliter sentis, expedi, si possis novas rationes aut morbi, aut curationis: minimè quidem; scio, non potes, quorsum itaque illa autoribus suis accepta non retulisti? At causas, ais, morbi tam funesti ex novis hypothefibus explicatum ivi: ita quidem; at hæc quoque tua ex Arabum schola sumpta sunt, prout mox ostendam; nec tanti sunt, profectò illorum industriam in morbis describendis, curandisque laudo; doctrinam verò non magnopere approbo.

Cùm verò hujus morbi *pathologiam* imprimis instituere decreverim, ejus præcipuas condiciones & prognostica enarrare oportuit. At ea videre poteris apud *Avicennam*: minutias non sector; at si Antiquorum osor es, adi, sis, *Melchior. Sebixium*, qui doctè admodum, & omnium longè operosissimè de variolis medio hoc seculo scripsit, nec patitur instituti nostri brevitatis, ut illa transcribam.

Causa autem hujus mali sic exponitur apud *Avicennam*; nempe quandoque in sanguine accidere *Ebullitionem* putredinosam quandam, de genere *Ebullitionum* quæ accidunt succis uva putà. Atque in hac sanguinis ebullitione talia accidentia fiunt, qualia in *Musto*, ita ut partes eorum ab invicem discernantur, ab hac verò ebullitione expellitur ab eo illud, quod admiscetur ei de reliquis menstruorum, aut quod ex cibis fæculentis & malis generatum sit. Et variolæ sunt quasi modus quidam crisis, ita *Rases* quoque, at paulo expressius loquitur; de *deputatione* sanguinis ab hac ebullitione, per quam partes *heterogeneæ* ab *homogeneis* separantur, ac sejuunguntur, vultque puerorum & infantium maximè sanguinem præ adultis & senibus musto correspondere, item ad eundem modum *Mesues* rem exponit; crassum sanguinis à puro ejus sequestrari, vi ebullitionis, criticèque expelli de venis, & effundi per universa corporis membra occulta & manifesta: sanguine remanente depurato.

Atque hæc est ipsissima doctrina fermentationis, ut volunt, *novitia*, apud nostros homines toties decantata, concordant itaque mirum in modum inter se *Avicenna*, reliqui Arabes, nostrique homines; nempe hanc ebullitionem esse *putredinosam* sive corruptivam, * crassumque sanguinis vi ejus extrudi, sive id sit connatum venenum, sive aliunde ex vitiosis alimentis generatum.

At *Willis* insuper & privatim de suo penu addit, innata variolarum semina [quæ, ut dictum est, ex menstruis muliebribus orta esse credidit] in cerebro & spinali medulla potissimum recondi; adeòq; *spiritus animales* miasmate primum corripì, & venenum exinde in sanguinem transferri.

Hujus autem rei hanc rationem exhibet laudatus vir; nempe cùm istiusmodi venena in partibus spermaticis primum concepta sint, verisimile est, illa usq; latere in iisdem, at hæc ratio exigui momenti est, nam illa partium divisio in spermaticas & sanguineas, prout supra expositum est, non admittenda est. Deinde quare non tota spinalis medulla doleat, sed lumbi tantum imi; an ibi sedes connati veneni? at cur non totum cerebrum, sed potius frons tantum & tempora dolorem hunc pulsatorium sentiant? Quod

* Quando accidit in sanguine ebullitio, secundum semitam putredinis cujusdam, i. e. ad modum alicujus rei putrescentis. *Avicen.* Generantur e sanguinis putredine, ejusque ebullitione, *Alzaharav.*

Quod ad menstrua seminia venenata [quæ plerique omnes Medici ut originalem causam posuerunt] atque ab iisdem prædispositionem perpetuam in humano genere ad variolas, attinet; dico, omnino nullum in illis naturaliter inquinamentum esse; sed æquè innoxia esse, ac hominum salivam, aut reliquam sanguinis massam, unde orta sunt: salva religione hæc profero; cum plerique Judæorum ritus (ut doctissimus *Spencer* nobiscum exhibuit) pueriles & populariter instituti fuerint; nempe ex præjudiciis vicinarum nationum, atq; ita à Deo permessa est illa opinio de contaminatione à mulieribus menstruatis, munditiei ac castitatis causâ, ne fœminas nimium deperirent. Arabes autem in hac opinione Judæos sequuti sunt, sed hæc mittamus.

Deinde, si illud verum esset, fœminæ adultæ vehementius afficerentur, quam mares; maximè si menstruis instantibus, scil. ubi illa turgent, & in utero accumulatur, variolis corripere, venenum itaq; uterinum fictitium est, & vili superstitione deductum. Quod ad spiritus verò animales attinet, quos idem vehementer affici in hoc malo vult; hæc illa altera novissima Hypothesis est, à *rerum* (scil.) *natura petita*, & *rationi* mirificè congruens. At *Willis* primùm illam excogitavit; aliiq; nuperi scriptores eam sibi falsò arrogârunt, tanquam suum eximiũ & nobilissimum inventum, nempe quemadmodum calor innatus in uvæ succo illas turbas excitat, donec is ab istis fœculentiis liber sit; ita ille spiritus animalis dominator, infectu quodam venenoso implicatus, vi & armis sese extricare conatur: variolæ verò victoriæ partæ spolia opima sunt. At hæc ludicra & nugatoria cõmentum sunt; hujusq; fabulæ tædet, ubi spiritus animalis solus Histrionem agit. Serio agamus, à Procatartica itaq; interna ad causam *primam* & principalem & ipsam hujus morbi *originem* procedamus, antequam ejus explicationem & fiendi modum ex causa proxima & conjuncta aggrediamur; si ea fortè inquirendo in tantis tenebris inveniatur.

Illud quidem verissimum est (à primis hujus morbi autoribus traditum, quod ipsi etiam quotidie animadvertimus) *variolas esse de summè contagiosis agnitionibus*. Quænam verò fuit prima & peculiaris illa materia contagiosa sive venenũ, quod primum hominem infecit, atq; humana corpora post tot secula eadem labe corripit, ita facile est dicere; certè Prometheo non adfui, cum Pandoræ pyxidẽ aperiret; ut quæ mala inde egressa fuerint, certò cognoscerem, causa quidem primaria hujus mali ac evidens, fateor, valde in obscuro est, si tamen conjecturæ nostræ, certè plausibili, venia detur quid impræsentiarum mihi in mentem venerit, dicam; nimirum illam infectionem à bestiola aliquâ vel esâ, vel ab ejus morfu plurimùm genitam fuisse, deinde in omnes homines, partim tanquam hæreditarium malum propagari.

De *contagio* verò *primario* jam dicam; hæreditariam autem labem à primo infectu proli cõmunicari posse, postea paucis probatum ibo.

Igitur, 1. Nulla causa assignari potest hujus mali generata ex parte hominis; non ex menstruis, quod jam ut precarium & superstitiosum rejecimus. Non ex crapula aut alimento vitioso ac inusitato, præterquam quæ ex ipsa fortè bestiola, hanc peculiarem labem inferente, fuerit; non ex exercitio vehementi, reliquisve vitiis & erroribus, in rebus non naturalibus; quòd integræ nationes apud Indos

Occidentales à nostris *Anglis* (in Marilandia, hoc seculo ineunte, id accidit) primum illuc advenientibus ferè ad internecionem infectæ sunt. Claro documento, variolas non privatim à causa aliqua interna, aut à natura hominis per se vitiata, sed contagione extrinsecus illata comunicari. Cum itaq; causas omnes internas, procatarcticas refutavimus, cumq; externas etiam ab aere, nisi quatenus à corpore, ut ita loquar, variolato præcesserit, non admittimus ob ipsas easdem rationes. At halitus expiratos (loquor ex ore nuperi scriptoris) ex subterranea minera nunc hoc, nunc illud animalium genus contaminare. At quænam sunt illa, quæso, metalla in nostra terra *Londinensi*, aut alibi *Angliæ*, effossa quæ hæc efficiant. Dic, sodes, si potes. Mera itaq; hæc tua insomnia sunt; prout pleræq; id genus explicationes, quæ ex ignoratione Historiæ Naturalis venditantur. Itē ejusdem comatis illud est; nempe certas habere periodos pro occultis illis, atq; adhuc incomptis alterationibus, quæ ipsius Terræ accidunt visceribus, pro varia scil. ejusdem ætate, ac duratione. Num putas alia metalla in Terræ visceribus latere, ab iis in superficie ejus comprehensa, nobisq; cognita sunt, diversa? aut hæc ipsa metalla, ex quibus constituitur terra, ab aere remotissima & in visceribus latentia, pro varia ejus ætate & duratione putrescere? sanè, non video, quo fundamento hæc suspiciones nitantur. An non hoc ignotum interpretari per ignotius est? heu quantum sapimus, verba dando! Igitur restat, infectionem primum ortam esse ex aliqua bestiola venenata.

2. Symptomata morbi hæc confirmare videntur. Nempè *dolor in Capite & Lumbis*; quod signum peculiare & velut pathognomonicum est ante variolarum eruptionem. Ab his autem doloribus non rarò infantibus deliria, somnolentia gravis, & convulsiones; in adultis immanis vomitus, interdum Syncope cum magnâ anxietate, & inquietudine; in gravidis abortio. Causam si desideras, respondeo dorsi dolorē *Nephritici* adeò *amulam* esse, ut multis exitio fuerit Medicorum, pro more, festinantium ac incogitantium, error. Itaq; verisimile est, materiam contagiosam impetuosius agitari, & ad renes propelli per arterias emulgentes, membranasque ac nervos circumjacentes dolore vasorum extensivo affici. Ad eundem modum & arteriæ ex influxu vehementi oppilatione feri, ex veneno crassescantis.

At, inquires, cur privatim tantum in hæc loca feratur, atq; impetum faciat? dico primò, loca quædam diversa venenis esse peculiaris, maximè à bestiolarum morsu esseve illatis. Ita *Hydrophobia* fauces privatim petat: *Urtica marina* Pulmones. Secundò, At multo maxima id genus venenorum pars & caput, faucèsve; renes & vesicam & genitalia afficere consueverunt: ex. gr. ipsa *rabies canina* fauces & Genitalia simul petit; nempè satyriasin & gonorrhœam excitat. Ita *Lues venerea* præcipuè fauces & nares ipsamque caput; at sæpius, ubi malitia minor est, penem & genitalia. Item *Cantharides* vesicam magnopere afficiunt. Item morsus *viperæ*, ubi corporis fieri contigerit, semper tamen solvitur* scroti tumore, & Urinæ ardentis copia. Et in aliis multis similiter usu venit. Non quidem, quod venena sua sponte, relicto sanguine peculiaris loca adeunt; sed quia alibi maleficium suum commodè expedire nequeunt. Licet enim (ut verba

Ent

Ent hæc faciam mea] materia contagiosa per majora vasa circumducatur, corque ipsum permeet, eademque tamen haud magnopere lædit, donec tandem [circuitus enim non est uniusmodi) in arctiora & idonea loca, id est, in majores & maximos & usitatioris ductus excretorios [salivæ putà & urinæ] impacta, virus celatum exerat. Vera itaque, ut arbitror, hujus doloris causa est, cum serum sanguinis à veneno paulatim lentescat, quo majores ductus excretorii renum, putà, & faucium inflammantur (quæ peculiaris id genus veneni vis est] atque adeò oppelluntur, nec commodè inde, quo naturaliter tendit, expelli queat; ex mora itaque, quam trahit in arteriis ad renes & circa caput, magis magisque crassescit sanguinis serum, veneno implicitum, donec tandem iteratis circumlationibus circumpulsum cutaneos ductus; nempe universalis emunctoria, aliaque quæcunque pro ratione & quantitate veneni viscerum vasa excretoria subeat, & in Apostematum parvulorum, modo infra exponendo, materiam facessat.

Audi C. Celsum; “ necessarium est adversus venena exsorbere potionem meri cum pipere, vel quidlibet aliud, quo calor movendus est, nè humor
“ intus coire patiatur. Nam maxima pars venenorum frigore interimit. “ Omnia Urinam moventia, quia materiam extenuant, utilia sunt.

Idem alibi. “ quæ ἐξανθήματα Græci vocant, sive pustulas Latini, & rubent, & ex sudore [i. e. ex veneno sudore per ductus Glandularum excretorios expulso] nascuntur.

Ejusdem mentis est Wharton noster (c. 27.) “ ubi materia affluens ad glandulas venenosa, aut contagiosa fuerit, oritur Tumor, veneno peculiari respiciens.

Visne exemplum hujus infectionis: à bestiola venenata. *Cantharides* cuti adhibe; ingentem feri venenati vim evocant: locus autem inflammatus ac exulceratus pridie ichore liquidiusculo scatebat, jam crassiusculum pus est; & sæpius sequitur Urinæ ardor, satyriasis, & non rarò mictio sanguinea, & non semel serum in magnos grumos per urinam effusum vidimus ad eundem modum in variolis, serum à veneno infectum, quod intra habitum corporis est eruptionem per renes & capitis ductus excretorios primò tentat; at cum primis insultibus magis vigeat & minùs sero implicatur, hæc itinera inflammat, deobstruitque; unde beneficio circuitus iterati in alios ductus cutaneos sub ichoris liquidi & vaporosi specie propellitur, at hic quoque ei exitus denegatur. Nam ipsa ductuum oscilla identidem inflammat, vesiculasque tollit. Atque hæ vesiculæ ichore venenato & crassescente paulatim replentur; mox ex calore perpetim appulso ex habitu corporis, quasi maturantur. Et plenè in crustas siccate, tandem spontè decidunt.

Ubi autem semel intra ductus excretorios transfretetur materia contagiosa, febris desinit: circuitu sanguinis jam expedito; atque ad integritatem restituto. Venæ itaque jam quietiores sunt, & tardiùs moventur sc materia contagiosa una cum sero superfluo extra habitum corporis expulso: neque enim illi jam ampliùs cum sanguine rei est, qui aliam scenam agit

Vesicu-

Vesiculæ autem cutaneæ materia contagiosa inflammatæ, jam, more cantharidum, serum in se superfluum & vaporosum in dies trahunt, concoquuntque.

3. Aliud symptoma tussis, defluxio, & salivatio ab antiquis memorata; atque hoc quoque argumentum est infectionis primariæ. Etenim in Luc Venerea (cujus originem suo Tractatu à bestiola venenata similiter deduxi) idem symptoma sponte ortum aliquoties observavi; idq; ex intermissione plurium mensium, iterum atq; iterum rediisse: donec in Phthisin funestam hominem præcipitaret.

At, inquires, hæc non contingit nisi in confluentibus variolis & adultis; respondeo, id falsum esse, sæpius animadvertimus. Etenim in infantibus septem annorum, & in adultorum distinctis variolis salivam vehementer motam fuisse, sæpius vidi. Causam autem hujus symptomatis in variolis sic intelligo; nempe ubi ostiola cutis oppressulata sint, vapor insensibilis ac superfluum per ductus oris majores erumpere, necesse habet. Ita in *infantulis*, quibus *exscretio* adhuc *ignota* est. Etiam si iis, perinde atque adultis, in os profluat, tamen illam deglutiunt; quæ si copiosior sit; quàm quæ digeri possit, citam iis alvum interdum efficit; itaque & salivatio istiusmodi & diarrhœa salutares esse solent, quod non *noxio*, sed supervacaneo tantum humori eliminando [quod in statu sano fieri oportuit] inserviant.

4. Ictus venenati indicium est incerta & vaga quædam febris; etenim modo incalescunt icti, modo frigent, ac horrent: ita ut usu venit & variolatis.

5. Quod id genus morbus ferè oriri solet in corpore maximè integro & sano; sine ulla prævia vel corporis vel animi passione aut dolore: pariter ac si quis sanus à bestiola venenata ictus fuerit.

6. Quod in hoc morbo semper fiunt crises per abscessus & nunquam per evacuationem; scilicet more morsus venenati.

7. A primis autoribus, ut ab *Alfaharavio* inter morbos cutaneos numeratur, scilicet scabiem & lepram. Id est, morbos ab infectione natos, ab aliis verò Arabibus in pestilentialibus propter malitiam, ponitur.

8. Quod apud veteres *similibus pustulis* synonymum fuit, quoddam serpentis genus, teste Plinio, * *Boæ* serpentis, inquit ille, genus quoddam est; eadem quoq; appellatio † *morbum* quendam apud eundem denotat, id est, *rubentes* quasdam *pustulas*. Nam, *Ebuli* folia, inquit idem, contrita, & è veteri vino imposita, etiam "Boam sanant, id est, *rubentes pustulas*. Etiam si verò ex hoc loco nihil certi colligi potest de variolis; tamen verisimillimum est, morbum illum sibi cognomen à bois serpentibus sumpsisse, tanquam à causa sua originali: ita ut variolæ quoq; à sua simili causa oriantur credibile est. Huic conjecturæ favet *Alfaharavii*. "Tumescit locus morsus à vipera, & super eum fiunt *ampullæ*, i. e. vesiculæ inflatæ, ita ut redditur ad modum *ignis ustionis*. *Ebuli* autem folia ad omnem ustionem apud veteres remedium nulli secundum est. Igitur & nomina & remedia morbis, à communibus causis oriundis, adhibuisse veteres credibile est.

9. Quod

* H. N. l. 8. c. 14. † Idem l. 26. c. 11.

9. Quoddam plerumque signa variolarum, cum istis à venenatis bestiis communia sunt. De quibus vide apud Scribonium Largum, Dioscoridem, aliosque veteres. Attende & confer cum signis variolarum infra recitandis

A Pastinacea marina pars affecta livet, ac nigrescit per ambitum, illam si quis defricuerit, atra, crassa, ac graveolens sanies exprimitur. D.

A mure araneo nigra pustula diluta (ὠδατωδης) aquosa sanie exsurgit: proxime verò partes omnes livent. Rupta pustula depascens succedit ulcus. His accedunt urinae difficultas. D.

A vipera pustulae quales in ambustis erumpunt. Sanies è vulnere promanat; primum subpinguis, mox cruenta; urinae difficultas. D.

A Drylina morsis pars ipsa affecta in pustulas attollitur; è quibus sanies aquosa profunditur.

Ab Hæmorrhoea demorsis ex plaga copiosus cruor effluit, & in quacunque alia corporis parte cicatrix ulla fuerit, ex ea quoque sanguis emanat. Quin & excrementa cruenta rejiciuntur.

A Natrice sanies ex vulnere copiosa atra ac putida. D.

A Cenchro putidum ulcus: alius sopor: & in carnibus circumcirca velut aqua inter cutem. D.

A CeraSTE demorsis pars in tumorem attollitur cum duritia, & pustularum eruptione: profluit è plaga sanies, modo atra, modo quadantenus pallida. Ipsum quoque genitale erigitur.

A Buprestis totius corporis extima facies circumtensa: urinae suppressio. D. inflat totum corpus in speciem Hydropsis. S. L.

A Cantaridibus. Sanguis cum urina at cum dolore affusus. D.

A Salamendra maculae livescunt, & si diutius immoretur venenum, putrescentes sanie manant. D. Livoribus quasi maculis variatur. S. L.

A Phalangiis morsi pars affecta rubet, & velut aculeis compuncta conspicitur. Consequuntur Lumborum dolor & perpetua ad reddendam urinam stimulatio, & ejusdem excernendae difficultas.

A Scolopendra pruritus toto corpore persentiscitur, pars incisa livet, & à morsu ipso exulcerari incipit. D.

A Scorpione pars icta indurescit. livet, & cum dolore circumquaque distenditur: dolorque velut à pungente acu per universam cutem sentitur. D.

A Lepore marino sumpto oculi exulcerantur, genae inflantur. Urinam difficulter reddunt, & cum dolore. S. L.

10. Quod medicamenta ad ictus venenatos ferè eadem sunt apud veteres exhibita, quæ ad variolas ab Arabibus instituta sunt. vide eosdè authores: lege, confer.

Sudoris excitatio, copiosa urinae excretio, purgatio per alvum. Fœniculi succus absorptus. Marinae testudinis testes. Opium ex vino; hæc communia inter propria vero & peculiaris auxilia numerantur lac ficulneum ficulneum cinerem ex aceto subactum. Portiones ex cicere. Cancer fluvialis cum apii semine. Portiones efficacissimæ ad ictum scorpionis, lac ficulneum cum vino, multa sudatio. Ad draconis marini idem. Sulphur; ex aceto triti potio. Ad viperæ morsum ipsa vini frequens potio juvat. Hemorrhoidi crurum caput potui datum cū vino: esitantur & uvæ passæ. Ad morsum basilisci papaveris

lucius in vino. Ad Bupresten ficus vel arida, vel earum decoctum ex vino: item aqua ficus arida ad salamandram. Jus ranarum & ova testudinis quomodocunque cecilia, conchyliis: locusta marina. astaci meripotio. Atramentum sutorium aceto dilutum.

At, inquires, serpentes aut alia animalia venenata talibus morbis non afficiuntur? Qui sint eorum peculiare morbi, planè nescio. Neque id cuiquam scientia naturalis, vix incepta, dicere patitur. Etiam si verò hi vel illi serpentes putà strictè loquendo à morfu aut alias, contagiosi non sint; cum tamen liquidò constet, quorundam venenatorum & vehementer inficientium morborum interdum illi causæ primariæ sint; quid ni credamus, aliis morbis quoque; (inter quos variolæ meritò numerantur) aliæ atque; aliæ bestiolæ, à nobis incognitæ, ortum dederint, ac posse sic contagio in humanum deinceps genus propagari.

Si ampliùs quærat aliquis, cur hodie id malum ex morfu venenatorum animalium non, ut olim, oriatur? Id fortasse nunc quoque accidat suis locis in India putà, aut alibi terrarum. Sed ob ignorantiam Historiæ Naturalis & populi indocti & superstitiosi non animadvertitur. At in Europa minor ejus metus est. Etenim, ut C. Celsus rectè innuit, Peregrina serpentium genera, aliquanto magis pestifera sunt, maximè æstuosis locis gignuntur. Italia, frigidioresque Regionēs hac quoque parte salubritatem habent, quòd minus terribiles angues edant. Verùm, ubi ubi inveniuntur, istiusmodi bestiolæ noxiæ, ex proprietate naturæ, malum, de quo loquimur, inferunt, neque aliquid de hac re nobis certò constat, nisi ex conjectura probabili, suprà comprehensa. Atque hæc ex Historiæ Naturalis defectu.

Igitur jam dictum est de *prima* hujus mali *causa*, quam libenter deducere ab aliqua noxia & venenata bestiola, ad naturam plerarumque; infectionum, hominibus primitùs communicatarum.

Proximo loco rationes reddam, cur hæc labe *hereditaria* quoque existimari possit. Quòd in aliquibus Familiis variolæ serè exitiales sunt. Quòd fratres & consanguinei faciliùs inficiantur, quàm qui inter se cognati non sunt. Quòd interdum *Sporales* sunt, & sine ullo variolati hominis infectu per se exsuscitari videntur; semina itaque propagari posse in prolem, perinde ut de Lue venerea notum: ac de Hydrophobia magna suspicio est.

“Novi quosdam, inquit Willis, à crapula & exercitio immodico in hunc morbum incidisse, cum præterea nemo circumcirca in tota regione ægrota-
“ tavit; nempe latentia semina per se commoventur, & inquinant sanguinis massam. Si hoc intelligatur de iis, qui à parentibus infectis sive variolatis geniti fuerint [& jam serè totus mundus sub eo nomine cadit] libenter accedo. Sed cum satis constet populum Indiæ Occidentalis ante adventum Europæorum ab omni ævo immunem fuisse ab ea labe, & ad extremam perniciem & serè depopulationem tum primò decubuisse. Haud faciliè adducor ut credam, ulla materna labe menstruata, semini sive naturalibus, ut ut vehementer motis, uspiam hunc morbum per se subortum fuisse.

Hæc autem inter rarissimè contingentia agnosco. Nam modus infectionis communior est per effluvia in aere effusa ab homine variolato. Si quis itaque

que has pustulas in cute jam privatim efflorescere vult, non ambientis, aliquo contactu, sed ex inspiratu; aeremque contaminari peculiari quadam malignitatis specie, & e sublimi causam habere, ei libenter accedo, modò aerem intelligat infici ab homine variolato & non ex aliqua corruptione acri insita, ita aer insensibili perspiratione alicujus variolis infecti inquinatus, ac ab alio inspiratus, salivam ejus contamine, necesse est; qua deglutita, ut nobis omni momento fieri solet, intra habitum corporis per itinera lactearum rapitur: quo ut sanguis afflatus, delibutusque fuerit, ipso statim initio caput & lumbi dolent, febris accenditur: malo autem ingravescente, venenum cum sero superfluo, die tertio, aut quarto, foras expellitur, eque ductibus excretoriis profilit, & in cute efflorescens, mali speciem detegit, totòque demum corpore extuberant vesiculæ sui generis.

Atque hæc hætenus de infectionis modo, quo de homine in hominem transfertur, nempe per solum contagium & effluvia ab homine variolato perspirata. Atque hæc unica jam *evidens* causa est variolarum,

Variola itaq; sunt *Pustula Venenata*, primitus à bestiolæ ictu (putà] humano generi illatæ, nunc verò per se, rarissimè tamen, tanquam ex infectis parentibus hæreditario quodam infortunio genitæ, sæpissimè verò ab homine variolato in hominem translata, ab effluviis ejus in aerem emissis, extra habitum corporis, & e ductibus excretoriis nusquam non cum febre continua protrusæ.

Morbum autem jam definitum dedimus; ejusque mox *symptomata* singula, atque *prognostica* paucis expedire lubet.

Effluvia itaque venenosa, chylo commista habitum corporis subeunt: in ruptione autem vesicularum chylum constituentium (an ea saliva sit, quæ in jejunio lacteas ingreditur, aut aliquis humor refluus, aut nudus aer aquatus, parum interest) aer venenosus expressus & liber vasa sanguifera in cerebro & ad renes maximè angustiora vellicat atque inflamat: unde pulsus concitator; majorque adeo calor, scilicet ab igneis particulis sæpiùs & vehementer compressis, at non hic finis mali. Etenim venenatus vapor sanguinis serum lentescere facit, more venenorum ictu illatorum; unde vitiatur ejus motus; nempe à lentore subitam sanguinis per venas sanguiferas trajectionem prohibente. Quo autem vehementior sanguinis impetus est, si is subito, ut par est, ex arteriis in venas transadigi non potuerit, eò maximè in ductus excretorios, ad communem anastomosin, quam habeant cum arteriis, divertatur, necesse est. At in ductus glandularum cutaneos jam expulsus vapor superfluo & venenatus illarum extrema oscilla similiter atque capillares venu-las vellicat, ac inflamat, inque vesiculas elevat; non aliter, quam si à vesicatoriis, extrinsecus adhibitis; vitiarentur. Cur autem hæc occultorum foraminulorum oscula magis, quàm ipsi eorum interiores ductus corrumpuntur, ratio est, quòd suâ naturâ *tuberosa* sive *capitata* sunt, maximè si ab aliquo stimulo vellicentur; quod constat ex mirâ asperitate cutis, si quando frigori urenti subito exposita fuerit; imò totidem *Sphincteres* sunt, vel levi offensâ sese naturaliter contrahentes, itèmq; vestigia variolarum *rotunda* satis arguit hæc ex osculis *i. e.* certis & determinatis locis, quasi cohibita fieri. *Deinde*, variolis deciduis, & sanatis earum ul-

cusculis, adhuc tamen restant vestigia horum oscillorum, mirè distenta ac *nodosa*; nec nisi *longo tempore subsidunt*, & intra modum naturalem contrahuntur. Postremò à venenato vapore erumpente afflata, & jam in vesiculas ab eo distenta, ob moram & torpidum motum humoris, per ductus transeuntis, perpetimque appulsi, & tantum non oppeffulati (nam extra sanguinis flumen sunt) quod plus acrimoniæ acquirit, priusquam ad ea attigerit, acriusque jam factum & jam crassiusculum & sensim concoctum.

Itaque principium tumoris variolarum intra ductuum orificia est; at continua extrusione novæ adpellentis materiæ sensim augentur, & extrinsecus protruduntur, donec ad justam magnitudinem, & crassitiem debitam pervenerint.

Atque hæc ratio est, cur in hoc morbo semper fiant crises per abscessus; nimirum ductuum excretoriorum orificia in vesiculas à veneno adpellente excitata, unde insensilem evaporationem comprimunt. Cumque regressus crassescens humorum in venas per eosdem ductus fieri nequeat; ut per abscessus tandem digeratur, necesse est.

Symptomata autem, quæ in hoc morbo animadversa sunt, enarrare lubet; eorumque causas breviter explicare, quo natura ejus manifestior fiat.

Signa verò, quæ morbum *instantem* indicare solent, hæc ferè sunt.

Imprimis, Dolor *Pulsatorius* in capite, & Lumbis, de quibus ante dictum est: nempe à vehementi ægrè ob lentorem transfretati sanguinis, ejusque acrimoniæ, venenato miasmate infecti, & ad renes & in cerebro restitantis, & inflammationem quandam membranæ excitantis.

Vomit *immanis* à veneno deglutito stomachum & intestina vellicante, si tamen vultis illud interdum effundi è sanguine ab habitu corporis; ut in sporade & singulari affectu, ex causa hæreditariâ & seminibus connatis, aut epidemico vehementiori; id fieri non potest ab arteriis in ventriculi tunicas dehiscen- tibus, prout *Willis* rem exhibuit, sed è ductibus excretoriis, quibuscum arteriæ imediatè cõmittantur, in horum itaque ostiolis irritatio ac punctiones, à venenata materia illuc propulsa, istiusmodi vomitus causa est; perinde ut *pruritus* in cute; & *lachrymæ* involuntariæ ab oculis effusæ; item *sternutatio*.

Pandiculatio frequens ad infarctum liberandum molesti humoris eadem de causa *Tremores* in somnio & *deliria* incidere possunt, perinde ut in crapulâ.

Item *somnolentia* gravis ab obstructis vasis cerebrum comprimentibus.

Tremores autem & *convulsiones* à vehementiori ac acriori perspiratione vaporis venenati ab ipso sanguine expulsi. *Raucedo* ex aspritudine pustularum jam erumpentium, & ex inflammatione faucium.

Tussis, *defluxio*, & vehementius *saliva mota*; à perspiratione citiori, ob cutaneam alteram (ut dictum est) valdè obstructam in illis patentioribus ductibus salivæ: nempe faucium & pulmonum.

Spirandi difficultas ab infarcto & inflammato pulmone, unde minùs explicari possit & frequentius moveri, quæ difficilis respirationis quædam species est.

Febris intensa, *rubor faciei*, & *intumescencia*, à nimio sanguinis fervore, quo arteriarum pulsus tum maximè extenditur ad ipsas venarum capillares, uti clarè cognoscitur, quod pulsus sentitur etiam in extremis digitis, ita rubor identidè producit, à pulsus extensione ejusque insolitâ micatione. Ubi

Ubi autem venenum, horum malorum irritamentum, foras certe in ductus excretorios cutis expellitur ex magna parte (quod triduo aut quatrIduo fieri solet,) compressio, cordis & arteriarum vehemens & extensiva, quæ caloris causa est, remittit; cessatque febris.

In alterâ autem periodo septem ferè dierum, quæ accidant, morbi statum & eventum indicant: atq; ea hujusmodi sunt.

Pustularum egressus, qui suprâ expositus est; nempè materia erumpens, pro sua natura venenosa, vesiculas excitat, quæ cum tubore ac inflammatione *maturantur*.

Siccantur autem, quòd nihil ampliùs humoris ad illam partem pervenire potest; scilicet vesicula undiq; clausa ac indurata: vix tamen fieri potest, quin aliquot, inter tot innumera orificia ductuum, libera, & aperta sint; utpote ab infectione integra & illæsa.

Vesicula initio *rubra*, ab inflammatione; deinceps *crystallina*, à vapore aucto viscidoque: mox *opaca* & *albida*, ab eodem incrassato siccescenteq;.

Si *molles*, minorem inflammationem indicat.

Si *pauca*, veneni quantitas, & qualitas exigua.

Si *distinctæ*, paucitatem materiæ infectæ arguit. Nam *accumulatæ*, diffusæ, & confluentes ex copia ejusdem fiunt.

Si *rotundæ* & *fastigiatae* salutares; quòd magis extra habitum corporis materia Variolarum protruditur; minori; adeo molestia maturantur; utpote longiùs à circulatione sanguinis.

Si eadem per *solam* cutim eruperint, neq; viscera nobiliora intrâ afficiantur perspiratio liberior; quòd alicubi ex bona parte aperta sit; unde salutis major spes est.

Si intra *fauces* quoq; & *gulam* & *ventriculum*, & intestina egressæ fuerint; nempè ultra habitum corporis, & in primis viis, venenum & chylo & sanguini denuò permisceri, & febres suboriri poterunt sive alia *viscera extrinsecus* ut pulmones, hepar, cerebrum, &c. variolis scateant, non minus periculi impendet à febre redintegrata, & denuò succensa ex *tardâ* & *incertâ suppuratione* aut majoribus *Ulceribus* innascentis, sc. in *partibus mollibus* & tenerrimis.

Si eruptioni antecedit *levis febris*, & ab eruptione *cesset*, vel plurimùm minuatur, vel in tuto est; quòd materia contagiosa, per pustulas eliminanda, & pauca & mitior est; maximè si cætera concurrant; nempè, vox libera & respiratio facilis; documento, nec pulmones, nec fauces internis variolis aut parcè admodum affici.

Variola tardè erumpentes. Id est, venenum intra sanguinem diutius imorans, arterias oppellulat, sanguinemq; ipsum corrumpit; illum in pus quoddam incrassando, non aliter, quam in osculis ductuum excretoriorum usu venit.

Multa, copiae argumentum venenatae materiæ; adeoque ægrè ad cutem expressæ.

Magna, aliud copiae argumentum.

Duplices & *continuae*, idem ipsum.

Depressæ ob nimium lentorem & tarditatem in egressu: ergo mediis ductibus corrumpi videtur vapor contagiosus; & retrogredi in sanguinem metus est; à quo magna discrimina impendent.

Dura, ob majorem inflammationem.

Virides, livida, nigra; corrumpitur ipsa vesicula & caro circumcirca à materiæ venenatæ summâ acrimoniâ.

Membrana autem continens sive comprehendens pustulam, vesiculæ more, circumcirca tenditur ac inflammatur. At in vertice summo tenuior est, & minus evaporationi resistit, maxime si illa contractum & constrictum sit ductus aliqujus osculum: ad reliquum verò ejus ambitum crassior est ac compactior, certe propter ipsius ductus parietes crassiusculos; adeoque minus ad latera perspirabilis, magisque adeo extrorsum premitur humor, vesicula contentus. Cum itaque ad pustulæ verticem perspiret, in quem universa bulla nititur; si appareat ibidem *macula nigra*, etiamsi totum reliquum pustulæ melioris sit coloris, dubia salus est; & scilicet ob contenti humoris summam putredinem incipientem; quæ vicinos parietes subito inficere possit.

Variolis admixtæ *purpure*, sive *vesiculae*, si *livida* & *nigra* deterrimi ominis sunt; si statim ab eruptione evanescant, mors in propinquo judicanda est, Quòd nihil in hoc morbo semel coagulatum evaporare solet, aut expurgari sine suppuratione: ergo reassumitur in sanguinem: atq; ita sanguini permixtum venenum, illum crassefcit, & tandem in putrilaginem corrumpit. Atq; harum affectionum erunt necessarius effectus *urina nigra*, ac *sanguinea*; feces alvinæ *nigræ* & *sanguineæ*; vel ex pravo sanguine, ab summa acrimonia, obstructione primaria arteriolarum, unde per ductus excretorios, renum, putà, & intestinorum, erumpit.

Ita *Hæmorrhagia* quælibet, à suppressis pustulis, periculosa est.

Febris *magna*; copiam ingentem materiæ venenatæ, per pustulas expurgandam arguit; adeoq; periculosa. Si post eruptionem verò non minuat; igitur ubi intra sanguinem supersit plurimum ejusdem materiæ, quæ nondum erupit, res ferè ad mortem tendit. Reliqua per se ipsa patent.

Jam dictum est de morbi ratione, ejusq; symptomatis quibuscunque.

De hujus verò morbi contagio privatim quæritur causa, cur *infantibus* & pueris magis *familiale* sit; firmior verò ætas & *adultior* minus lacefferetur; *itemque* cur unusquisque his, aliquando in vita, necessario conflictari debeat; ut neminem posse *secundò*, aut *tertiò prehendi*; *denique*, cur complures annos sileant, & *certis annorum intervallis* *saviant* in plebem? Respondeo. Infantes non magis huic malo opportuni esse videntur, quàm aliis quibuscunque morbis contagiosis; nempe ob summam naturæ teneritudinem ac quandam ejus perfectionem. Sed in eo fallacia est, quòd, cum tota vita homines infici soleant, vix unus è mille pubescentiam *integer* attingit; *Deinde*, annorum intervallum (quantum animadverti] quibus grassatur iste morbus, lustrum aut sesquilustrum rarò excedunt, quo fit, infantes posse bis aut amplius infici, antequam adoleverint. *Denique* integræ nationes, ut dictum est, apud Indos à nostris hominibus variolatis simul infectæ sunt, & periêre ferè ad internecionem, propter ignorantiam curationis; quòd à fide dignis testibus, *Mari-landiæ* incolis, habui: argumentum, morbo illo & puerum & adultum æq; subiectos esse. Neque enim ullus tutus est, nisi qui prius morbum perpe-

sus

sus fuerit : siquidem rarissimè , certè ego neminem *bis* infectum memini , præter unam fœminam , quæ in hac urbe , me teste , intra annum variolis bis decubuit , & convaluit.

Magna verò ex parte hic morbus , etiam si contagiosus , *salutaris* est ; quòd ferè subito venenum foras & extra habitum corporis protruditur ; cuius quidem egressui tenera ætas à ductibus suis excretoriis , dilationi valdè aptis , opportunior est ; humorésque ab eis excreti , naturaliter fluidiores sunt ita , quòd semel tantùm hoc malum hominem aggrediatur , ejus lenitati ex parte , puerili ætati , in qua ut plurimùm agrotet , attribuendum est.

Intervallorum autem ratio est , cùm omnes pueri alicujus domus , putà , aut oppidi aut urbis (unis Londiniis exceptis , propter ejus enormem magnitudinem , & perpetim advenientium multitudinem) ferè intra aliquot menses annumve decubuerint ; nec alii ibidem inficiendi resistent. Igitur extinguitur , pro illo tempore , malum ; donec nova sobole subcreseat variolanda. At latendum est , aliquos illà felicitate natos esse , ut integri & valdè senes moriantur.

Ad *Therapeiam* propero ; sed antequam ad curationis rationes procedamus , illud ante omnia meminisse oporteat , *hunc morbum* (ut dictum est) *ferè esse salutarem* , in variolis natura omnia perfectissimè facit , inquit R. à Fensœa , natura sibi permissa negotium suum suo tempore exequitur , ut nostra ope non indigeat , suis viribus optimè instructa , Sydenh. at salutes non illo nomine illas appello , ac si ex aliqua naturæ necessitate ita nati essemus , ut morbo , à morbosa aliqua crisi ad *perfectionem* sanguinis humani opus esset : etenim , quid nostri & brutorum sanguinis interest , ut illa istiusmodi sanguinis despumatione non indigeant ? quid nobis ex omnibus animalibus ad sanitatem integram conficiendam lustrationes morbosæ usui sint : cur prioribus mundi seculis hæc *καθάρματα* defuerunt ; gentésque Americanæ à prima mundi origine ad superius seculum , tanti morbi beneficio caruerunt ; Quicquid itaque *vani* homines de eorum methodo , in hoc morbo curando , nuper jactitarunt , non sine ingenti cautela & suspitione admittendum est. Etenim cùm res naturaliter ad sanitatem tendat , quid tua auxilia magnopere laudas ? annon supervacanea aut noxia potius censenda sunt ? his certè remediis populus non utitur , & tamen vix unus è quadragesimo agroto apud plebem moritur. Institue computum tuum ; de tuis (scio) multo plures occidunt. Deinde hanc rem (nempe , invitis Medicis , morbum de sua natura plerunque salutarem esse) abundè confirmant vel contradictoriæ rationes medendi adhibitæ , tamen sub utraque methodo sani evaserunt ægri. Etenim alii calore & sudore haud modico eos perpetim nutriunt fovéntque : alii contra frigore poros constipant , crudumque aerem magnopere laudant ; omnem sudorem diligenter cohibent , & vel apertis potius fenestris decumbere , operimenta lecti tollunt , omnemque perspirationem vehementer comprimunt , etiam pedibus in frigida demissis , quod ipse vel impunè factum à quadam muliercula in cura filii sui adulti me aliquando vidisse memini , ipsis variolis tunc temporis egressis : alii alexipharmaca sedulò exhibent , & in iis omnem spem ponunt ; alii contra in refrigerantibus ; nempe leni cerevisia , larga manu propinatâ , lacte & coctis pomis.

potius vitare; vinum verò & juscula nutrientia omnino vitanda esse diligenter clamitant alii, quos novi, variolis egredientibus alvum ducunt, imò purgationem haud minorativam moliuntur: alii contrà omninò alvum moveri vetant: alii hypnotica continuè exhibent; alii istiusmodi aliquid dare metuunt. Profectò nullus finis esset huic incepto Tractatulo si singulla remedia & medendi vias, animi causa institutas, recenserem: ab iis tamen omnibus Natura ferè impunè sese subtrahit, victorq; evadit. Annon itaq; supra modum arrogans es, tu qui tua præ omni methodo effers, & aliena despicias? profectò an turpis lucri, aut meræ & inanis gloriolæ mancipium sis, lector æquus judicet.

Sed ad rem. *Intentiones curativæ* ea cautione instituendæ sunt, ne quid detrimenti naturæ, ejus vires minuendo, contingat: sed ejus motus criticus omnimodo adjuvandus est: interim alexipharmacis contra malignitatem* pugnandum est; & symptomatis, si gravia sint, occurrendum est.

Hujus autem morbi *tria* tempora, ab ipso *Avicenna* numerantur: nempè *primum*, quamdiu ebulliat sanguis, quòd ferè inter quatuor dies finitur: *alterum*, ab egressu & apparitione variolarum, scil. à quarto ad septimum: *Tertium*, à statu, qui undecimo à decubitu viget, quando nimirum declinare incipit morbus & pustulæ exsiccantur, deciduntq; Atq; hoc tempus ad quartum decimum diem, & interdum ad vigesimum extenditur.

In primis autem Febris diebus Sanguis omnino mitti debet, eodem *Avicenna* autore, si necessarium sit: imò etiam egressis variolis, si vehemens repletio & materiæ dominium id requirat: & si primum non completè, iterùm fiat, aliter timenda est extrema sanguinis corruptio. De Emeticis verò, Purgantibus, aut Enematis prorsus silent *Arabes*. In hoc utiq; consentiunt moderni; nempè plenitudinem sanguinis etiam in hoc morbo evacuationem indicare: itemq; crapula vehemens, exercitium, ex frigore tussis, & similia.

At plurimi in hac Febre non convenire aiunt, Purgationem ullo pacto; ne fluxus malignus concitetur; ne natura impediatur suo motu, qui est ad cutim per abcessum. At nullus quidem dubito quin ob prædictas in sanguinis missione, causas illam & enemata & emetica commodè interdum exhiberi posse.

Porro in hoc tempore, eodem autore, *Cibatio* fiat ex lenificantibus cum vel percussione, ex jujubis putà dactylis, lentibus, cucurbita, cum Tamarindis. & si non obedit iis Febris, adjice *super eos cibos* (nota hanc Persarum cibationem vulgarem fuisse, non medicamenta) & in ipso principio apparitionum, rob *ribes*, putà, cum Throchiscis *Camphoratis*; scilicet medicamenta ad febrem leniter extinguendam accommodata. His verò nostri homines, ex consuetudine quoque victus quotidiani, & inter nos usitati, ex cerevisia tenui lactis serum coctum, vel hordeata, & avenacea juscula exhibent.

At frigida ac acida quævis nocent, inquit *Villis*. Fatendum est, & Tamarindos & succum prunorum ita se habere (quos tamen *Avicenna* in hoc tempore inter mitiora lenificantia ponit. At tu velim cogites Persiæ aut Arabiæ regio-

* Malignitas etiam in *levioribus variolis* medentis oculis continuò debet observari, *Mayer*.

glonem calidam, & nostram septentrionalem multum differre. In illa quidem sanguinis missionem, & leniter refrigerantia magno & necessario usui fuisse, facile credo; apud nos verò propter consuetudinem victus, aerisque ad frigus ferè semper tendentis, & modicè data alexipharmaca, & plenior cibatio, maximè usitata, minùs nocent. Nec nisi vino deditis, & valde plethoricis juvenibus, & ex vehementi exercitio correptis, aut Urbanis, in crasso aere degentibus, quibus perspiratio minùs libera & impedita est, sanguinis missio, aut alia evacuantia, aut refrigerantia ad eò necessaria sunt.

Ita sanguis non propriè mittitur in variolis, sed ex accidenti tantum, ut symptomati alicui succurratur; nimirum si quis variolis corripitur contingat ex vehementi exercitio, aut crapula, ut ex frigore, huic quidem rectè sanguis diminuitur ad febrilem ardorem aliquidatenus reprimendum, sed non ut variolæ minùs malignæ, aut pauciores numero fiant, aut commodiùs expellantur: etenim una sanguinis integritas & plenitudo & melius earum malignitati auxiliatur, & insensilem perspirationem, in qua valetudinis unica spes est, promovet. Ita ferè in Hydrope omnis perspiratio & sudor cessat, quod sanguis integer non est, sed sero superfluo supra modum abundat.

2 Apparentibus verò variolis, quod *secundum tempus*, ex mente *Avicennæ*, erit in frigidatio causa magni erroris; quòd retinet *superfluitatem interiùs*; unde ad viscera principalia defertur. Deinde, variolis exire & apparere haud possibile ex pororum constrictione; unde accedit inquietudo, angustia & interdum Syncope.

In hujus autem dispositione, oportet ut juventur superfluitates cù iis, quæ faciunt ebullire, & aperiunt oppilationes, sicut *fœniculum, apium, ficus*, quæ vehementis sunt expulsionis ad exteriora: *lentes, lacca, traganthi*, quibus *Crocum* addit *Rhasis*. Nam illa expulsio est una de causis evasione à nocumento earum.

Porrò oportet & cooperiatur, & elongetur ab aere frigido, & propriè in hyeme, secundum custodiam sudationis. Frigus enim oppilat poros & redire facit variolas retrò. Item multitudo aquæ frigidæ cum nive; & introitur in domo venti, mala valdè sunt. Et fortasse sanguinis missio in hoc tempore est mala, quod repellit, & convertit quod egreditur; quare omnino caveatur post duos vel tres dies ab egressu.

Et quando accedit ex coopertura pannorum & calefactio quasi Syncope, tunc in frigidatio fiat, vel odoribus ex camphoratis: sed si *detegendum* quoque corpus est, & domui venti & aer frigidus intromittendus, paulatim id fiat. Et similiter de Adjutorio cum calefactione *i. e.* de medicamentis calefacientibus, quæ ea quoque paulatim dimittantur.

Et cùm incipiunt exire, & non invenitur cum exitu earum alleviatio; imò invenitur caliditas inflammata, & lingua ad nigredinem declivis; tunc cave, ne calefacias.

Toto hoc tempore, inquit *Willis* una & continua crisis est; quare nihil temerè movendum est: lenis & blanda diaphoresis continuanda, cardiacis moderatis aliquoties in die exhibitis.

In fine autem ejus temporis, ex eodem *Avicenna*, oportet ut conservetur

natura, i. e. vires ægri; & cibetur *lentibus*, bis elixatis i. e. victu fortiori; & acetosis cum succo granatorum, Sumach, Agresta, aut similibus.

Item in hoc statu, hoc est, ad finem secundi temporis, quæ incrassant sanguinem, eumq; infrigidant, & ab ebullitione prohibenda sunt: inter quæ rob ribes, & agresta, & succi frigidorum fructuum, ut limonis, succi lactuæ, *foliorum papaveris viridium*.

3. Ubi verò dies septimus pertransit, & apparet in variolis maturatio, siccantia adhibenda sunt: ut salitio &c in conservatione pulmonum, putà, nulli secundum est lene illud Lohoc ex *lentibus* cum *semine papaveris*.

Hactenus de curatione ex primis autoribus, & præcipuè ex Avicenna; jam videamus quid de ea re occinant nuperi quidam scriptores & quid novi adjecerint. nam de hoc præcipue morbo triumphos celebrant bini, at iidem directè adversarii, veteribus quibuscunq; aliisq; scriptoribus, ad nostros usq; annos prorsus inconsultis, neglectisq; ac si ante eos nunquam in homines fuisset ulla alia literatura, quàm sua. Nempe ob novas morbi causas detectas, ob novam morbi historiam, ob nova deniq; remedia, certè nova methodo exhibita. Illa itaq; tot tantàq; paucis pro instituto nostro percurrere non pigebit. At, inquires, quid nos redarguere velis, cum ipsa Arabum methodus, quod ab Hippocrate & Galeno non instituta sit, æquo jure vel negligendus vel amplectendus est; aut alia quævis nova libere adaptari potest, rectè. At Arabum methodus tua est, & non nova, imò ipsa remedia Antiquorum sunt, etiamsi morbus novus sit.

In primis ex his viris alii sunt, qui venenum, aut aliquam in hoc morbo malignitatem omnino rejiciunt; sed si aliqua gravissima & pestifera signa accendant, ea omnia malo regimini vel nimis calido vel nimis frigido omnino adscribunt; imò & ipsam pustularum copiam & confluentiam, & purpuras, & mictum sanguineum; atq; id genus alia, si quæ similia & mali moris fuerint. Etenim hi variolis litant, tanquam malo cuidam necessario (ut supra dictum est) ac utili, ad complimentum sanguinis instituto. Quippe sanguinem, aiunt, semel in vita novam formam induere aptum esse, ob succorum, illum constituentium, opulentiam. Hi *musteum* Arabum *fermentum* valdè depereunt. Etenim illam despumationem sanguinis, semel in vita omnibus hominibus exequendam esse, cum *Rhafi* existimant: neq; enim iste variolarum morbus iis aliud esse videtur, quam necessaria quædam ac naturalis *Renovatio* sanguinis. Infectio autem, quæ in variolis animadvertitur, ceu quædam captificatio est, tanquam ex vicinia similium fructuum. Mirabilia sanè atq; ingeniosa explicatio! ita hic verè morbus non est, sed quoddam humanæ naturæ perfectivum opus, sive complimentum, ac tanquam ultima manus, quo mustum puerorum in vinum adolescentium conficiendum est: quod tandè in senibus, inquit *Rhasis*, acescit. Ita & *Alsaharavius*, ex sanguine adolescentiæ ad juventutem variolati, ut ita loquamur, trāsmutantur. O beata hæc ultima mundi secula! si quis jam senex (nam sunt valdè decrepiti, qui hoc morbo afficiuntur variolatus sit, renovatur ejus sanguis, ac statim adolescentiæ revertitur. Imò ex hac doctrina optima ratio elucescit, cur antiqui medici variolarum nullam mentionem fecerint, quòd inter morbos tantum beneficium reponere indignarentur, Sed vereor,

ne hæc à Mahometanis illis Arabinus ironice dicta sint ; nostrosq; homines, non advertentes illos vini osores fuisse, adeoq; omnia mala de illo dixisse, seductos in vini, facillimè ! ita variolarum bonam opinionem fuisse. Ad eundem modum Romani *Icterus morbum Regium* appellârunt, non propter aliquam excellentiam in illo morbo, sed quod reges populo Romano maximè invisi fuerint: ita odiosum nomen morbo fædo imposuerunt.

Etiam si verò exigui momenti sint, quæ pro innocentia variolarum attulerunt; iis tamen, ne causa prorsus indicta, breviter respondere lubet.

1. "Quòd non momento fieri potest tanti puris apparatus ab aliquo contagio, quâti in hoc morbo secernitur. At vis exigui veneni imensa est, e. g. aliquot guttulæ in morfu venenato, alicujus serpentis, putà, effusæ, totum corpus in putrilaginem subito convertere potis sunt. Audi sis Diosc. quantulum est quod à Phalangij morfu ingeritur, & universum corpus excruciat? quanta enim censebitur, si vulnus spectes scorpionis, & aliorum ejusmodi corporibus nostris perniciem afferentium magnitudo? & horum tamen aliqua vehementer cruciatus excitant, alia putrefaciunt; alia deniq; quàm primum perimunt. Venenum verò variolarum ejus naturæ est, ut sanguinem ad triduum aut quatrimum exagitare soleat; antequàm pustulæ apparent, easque sensum nutriri ad aliud integrum septicum, priusquam ad sumum incrementum & statum pervenerint; spatium certè satis longum ad totam sanguinis massam corrumpendam; ut contrarium difficilius multò intellectu sit, cur à tanto veneno non semper corruptio.

2. "Quòd rarissimè aliquis bis inficitur variolis. at in Lue Venerca, aliisq; morbis, bis contagiosis sæpius. Sat est malitiæ semel infici, & sævire in populū. Deinde, malum hæreditarium esse, (ut supra comprehensum) magna suspicio est. Denique Hist. Naturalis adhuc tantum in incunabulis est; unde hujusce Quæstionis de proprietatibus venenorum responsio idonea privatim peti oportuit.

3. "Particulæ variolarum in massa sanguinea divisæ satis puræ sunt: concretæ verò & expulsæ in abscessibus demum corruptelæ cujusdam speciem induunt. Hæc autem à te gratis dictæ sunt. Pustulæ tibi videntur quasi malignæ, at materia, ex qua pustulæ fiunt, innocua. Verum & effervescentia ejusq; symptomata in ipso morbi initio non rarò gravissima & lethifera æq; indicant venenum in sanguinis flumine contineri, quàm ipsæ pustulæ in cute effusæ.

4. "Vestigia, ais, profunda in omni ulcere fiunt. At in variolis non rarò contingunt alia certissima veneni signa; nempe in plebe infima, & ubi nihil à quodquam exhibitum est; nempe bubones, petechiæ, variolæ virides, lividæ, nigræ: mictio sanguinea dysenteria, & id genus plurima alia: nisi aut oculi perditio ab ulceribus mali moris, item internum totius alicujus artûs, sideratio, &c.

5. "Denique, ais, vultus quorundam à variolis non deformari, sed tanquam à naturæ designatione, ad meliorem pulchritudinem figurari. Ita milites cicatr. cibus, maximè ex iis, quæ in facie acceperint, vulneribus confectis gloriantur. Pulchra fœmina, pulchior variolata. Optima sanè mulieribus consolatio, quibus forma tantæ curæ est. At speculis, crede mihi, nimium fidem habent,

malintq; suam natinam, ut ut deformes fuerint custodire, quàm novæ obtinēdæ se infidis variolis credere. Profectò evaserint licet, amabilis tamen ille nitor, & genarū elegantia, quæ in cutis tantum integritate & tenuitate constat, fuditus perit.

Illud interim tu notes velim, etiamsi variolæ in primis ejus viri scriptis ei parum aut nullam putredinem indicaverint; idem tamē inspectione diligētiorē (ut credi amat) plurium insequentium annorum adhibita, *anomalas* nescio quas variolas observavit, id est, extra normam & doctrinam à se primò propositam. Ac tandem in ejusdem posterioribus curis intensiorem putrefactionē suboluit; quod generabantur ex crassiore, & fœculentiore materia, maligniore dicere noluit. Maluit enim variolas non esse sibi similes, quam Hypothēsī, semel evulgatam, renunciare. Imò, ipso authore, confluentes variolas, aliquibus annis ipsam Pestem pernecie interdum æquare. An in peste nullam malignitatem inesse credis? imò idem vir miratus est, alias variolas *ejusdem ferè species* alias & planè contrarias indicationes, quàm olim sibi proposuisset, & usui esset, subinnuisse. At nullus dubito, quin in hac tanta urbe quotannis eadem symptomata, pro numero ægrotorū, & singula, quæ forte unquam in hoc morbo à quopiam animadversa fuere, in aliis atq; aliis ægris exhiberi: etiamsi per accidens huic vel illi medico sui pleriq; ægri possint sic vel aliter affici. Unde concludo, variolas (ut ut per se & ex eventu ferè salutares sint, tamē quòd ex venenata causa primulū genitæ sint) semper malignitatem præ se ferre.

Hæc autem ultima non adjeceram, nisi quòd, mihi, ejus scripta omnia perlegenti, illum prioris doctrinæ tantum non pœnituisse visum fuerit: donec tandem in ejusdemde opere postumo legerim, symptomata anomala; i. e. omnia in variolis, ipso interorete, perneciosa, à malo regimine supervenire eàsque naturaliter & per se boni moris esse. Ita de Lue Venerea concipe, de Hydrophobia, ullòve alio morbo maligno & venenato. Nam omnium paratio est. Quasi dicas illam primā in Gonorrhæa fere, & urinae ardore, vesiculisve aliquibus in pene cancrois comprehendī; sed si quando vehementiora & minùs usitata & malefica symptomata contigerint, ut bubones, nares faucēsve cancrofæ, pustulæ exedentes, intolerabilis dolor in capite, aut scapulis, nodi, exostôses, hæc omnia anomala esse, & à malo regimine orta. Igitur, ut videtur, vel ejus vestigiis tibi pressius, ô medice! in posterum insistendum est, vel omnis culpa, si quid funestum acciderit, in te rejiciendum est.

Illud verò non prætereundum est, quo se quoque contra venenum protegere videtur; criticè, aiunt veteres, variolas, erumpere, curamque adeo peculiarem nullā postulare, hoc inter alios *Augenius* exhibet. Ita *noster*; 'natura sibi permissa negotium suum suo tempore exequitur, ut nostra ope (in junioribus) nostris artificiis, atque auxiliis non indigeat. Concedo equidem cum *Avicenna* in variolis esse quēdam modum, sive peculiarem quandam crisin: at concoctionem materiæ alicujus morbi ficæ, quæ criseos maxima ratio est. Variolarum eruptioni præcedere, vehementer nego. Illud autem afirmo, si nullum esset in variolis venenum, insensibili perspiratione, aut aliis medicamentis purgantibus domari & evacuari, & non per pustulas necessariò solvi, poterant. Quod tamen nunquam accidit alicui, vel te-

merario Medicaſtro. *Aſaharavius* quidem omnes inſrigidantes medicos noſtri ſeculi multis paraſangis anteivit, maximè in primo Variolarum tempore; nempe in ſanguinis miſſione ad ſyncopen, & frigida, imèſa & confertim exhibita potione; eaq; ſæpius repetita paucis horis. At, quantum video, ſine ſucceſſu. His tamè non obſtantibus venenum intra habitum corporis reſtitans (quod neq; ex ingui, neq; ullâ evacuatione tolli potuit, adeo totum ſanguinem jam infecit (ſanguine circūactū, ipſa ſua eruptione perpetim & neceſſariò, ſub ſpecie vaporis ſupervacanei per oſcilla cutanea, ea tandè corrumpit, atq; in veſiculas excitat, inflamatq; : in his verò ſuperfluus & venenatus, jam cohibitus, & à libero exitu præpeditus, poſtquã ad ſumam diſtentionè & magnitudinem veſicæ pervenerint, in pus, ex ſua natura (nempe quod ſerum extravafatum ſit, ut pus ex vulnere, aut mucus putridus ex coryza) denſatur, ac maturatur.

Atq; hætenus de Variolarum *malignitate* breviter piſtum eſt. Proximo loco ad eorundem *novam* (ut credi amant) *Therapeiam*, & medicamenta ſive medendi methodum procedo.

In primis diebus, ais, ebullitio nec nimis evehi, nec nimis minui debet: idq; ad ravin uſq; repetas. At die quis medicus; unquam aliud dixerit? nemo, quod ſcio, ab *Avicenna* ad ipſum te. An non idem ſedulò inculcat *Willis*; & ægregium, ubi opus fuerit, exemplum inſrigidationis in juvene, calidis ſerè ad necem oppreſſo, exhibuit?

Porro ais, Variolas ante debitum tempus nullis remediis erumpere. Tua itaq; inaudita ac mirabilis cautela de intempeſtiva eruptione vana eſt; ita nec prohibent alexipharmaca, ut affirmas, exhibita; nec tua refrigeratio promovet.

At rurfus, inquis, materia Variolarum in ſanguine primis diebus cruda eſt, & nimiùm diſperſa per ſanguinis maſſam, ejuſq; particularum collectioni & inter ſe coitioni tempus dandum eſt, antequam egrediatur. Hæc autem gratis diſta ſunt, Etenim venenum cruditatem nescit; acrior quidem ob moram & ignitionè ſanguinis fieri poteſt, ſanguinemque adeo plurimum corrumpere.

Præterea; ais, quo diutius natura ſeparationem molitur, & perficit, eò certius & univerſaliùs eadè abſolvitur. Ita ex tarda ebullitione, variolæ diſtinctæ; ex feſtinata verò ac vehementi, confluentes. De tempore autem eruptionis aliter ſenſerunt primi * authores, nempe ſi apparent in die *tertia*, eſt materia *mediocris*, & ſi tardant uſq; ad *quartam* diem eſt tardæ digeſtionis, *i. e.* difficilis: niſi allevietur æger, & è contra. In eo verò falleris; nempe dum ſeparationè, nescio quam deſpumationem, particularum morboſarum congregationem, earumq; concoctionem, ſecretionemq; (nam his aliisq; multis id genus vocabulis tuis lætamur) in ipſo ſanguine fieri vis; puſq; eſſe genuinam Prolem huiusce materiæ ſecretæ: puri itaq; debent reſpōdere particulæ à ſanguine ſecretæ. Sed & res & ratio falſa eſt. Quippe nihil à ſanguine ſecernitur, niſi ejus ſuperfluitates, tãquã in ſanis. Hæc autè veneno infectæ, erumpētēſq; atq; in oſculis ductuū cutaneorum pauliſper detentæ, ob naturalem partium illarum conſtrictionem, configurationemq; exiguas veſiculas excitant, eadēq; in majores indies eminens, ex apulſu novi ſeri evaporandi. At iſte humor, qui primū partim tantū lentus fuit, excretoriis, maximè ex morâ &

* Aſachar.

calore partis jam venenatae, in pus convertitur. Id quod abundè testatur, ad *statum* usque, *ruborem*, inflammationem ac tumorem (etiam quando ad perfectam maturationem variolae attigerint) perseverare, & *spectabilem* esse.

Cur autem ferè ante quarti initium non appareant, ratio esse potest; quod ubi serum ex veneno paululum lentescat multo difficilius per ductus cutaneos, ac cum liquidius fuit, transferatur. Item cum variolarum apparitio ex osculorum ductuum inflammatione & in vesiculas tumefactione consistat, id non subito, & ex primo vaporis venenati exitu, sed pro natura mitioris & minus acris veneni, plurimòque sanguine sano diluti, alterum & tertium diem requirere ad partem solidam & nodosam (quales sphincteres sunt) elevandam in tumorem inflammatum.

Sed interturbo te, dic reliqua. Nemo, ais, perit ex Variolis, quod non eruperint; sed multi, quod cum eruperint bona spe, prematurè detumescere pustulae. Imò aliqui, (quod ipse testor, ac alij mecum medic) periire ex syncope, & convulsi plurimi mortui sunt in primo variolarum tempore, ante eruptionem, ut ubi levissima tantum earum apparitio fuit. Et quid in primis insultibus, ubi omnium gravissima symptomata esse consueverunt?

At, inquis, in despumatione prohibita & nimium imminuta ebullitione pabulum & materia deest Variolis conficiendis. Itane credis multos ex materiae morbosae defectu enecari? nempè designavit natura tot pustulis tantam materiam morbosam: igitur cave subtrahas tantae foeturae optimae spei sanguinis renovandi faeculentias; sed tanquam bonus Oeconomus distribue annonam pro instituto tempore, nè ex inedia pereant, antequam adoleverint.

At Fabula nondum finitur. Si secreta materia ex quavis causa intrò revocetur, eandem ægro certam necem inferre; illam verò corruptelam, ex secretionem malè peracta, sibi acquisivit, non ex aliqua malignitate. Periire quidem superiores tuae variolae ex inopia materiae secretæ; hæ verò ex reassumptione materiae suppuratae. At malè meministi te, velut fundamentum posuisse suppurationem omnem in sanguine factam fuisse; innoxium verò pus è sanguine exiisse; quare itaq; si idem denuò sanguini commisceri contigerit, mortem tam citam inferat? hic files: tantum innuis aliquid in secretionem malè peractum fuisse. Ego verò nihil omnino, cum nihil uspian è corpore in hoc morbo secerni audacter affirmaverim præter superfluum vaporem veneno infectum. agnoscis tu hominem occidi ob nescio quam corruptelam, quam tamen malignam esse nolui sti. At certissimos nos facit Historia medica aliorum abscessuum pus, per ipsum cor posse traduci, & multo tempore cum sanguine circulari inipune, & citra corporis noxam, nedum mortem. Claro documento, inesse puri variolarum retrogrado venenatam & exitialem.

Insuper urges ex leni ebullitione & refrigerantibus egressionem pustularum fieri & faciliorem, & promptiorem: quasi dicas, à leni pulsu facilior ac promptior circulatio. Hæccine est tua oeconomia?

Ad alexipharmaca quod attinet, inquis, iis non opus esse in confluentibus, quia major inflammatio est. Malè rem intelligis; siquidem illa dantur propriè & privatim adversus venenum, non expulsionis solius causa, ubi autem major inflammatio, ibi majorem malignitatem subesse, credibile est.

Ejusdem quoque commatis est, quod sequitur : nempè in declinatione, ubi secunda febris, sedulò refrigerandus est æger, ne sudet,

----- nudus

In Tyberi stabit, casus medicusve levarit

Ægrum ex præcipiti : -----

ubi scilicet, Cardiacis maximè opus fuèrit; nimirum ab inanitione tot tantarumq; pustularum, & à tenui victu plurium dierum ferè prostratis? temeraria sanè cautio, cum ipsa secunda febricula, si quando acciderit, à nimia inanitione oriri possit; ut in Hæctica & Phthisi.

In adultis *Ptyalismus* sæpè supervenire solet; atq; hic Epilogus est. Morbus, inquit ille, se expurgat novo hoc per salivationē modo, ideo minùs de pustulis curandum est. Salivatio pustularum loco est. Minimè quidem; quippe nulla evacuatione Variolas formatas tolli, aut minui posse, sed per solas pustulas venenum ejiciendum est, id quod omnis omnium seculorū à Variolis ortis cōmunis experientia testatur. Deinde, in confluentibus secundum te id præcipuè accidit, ubi scilicet pustularum maxima copia est. At pustulæ, ais, in confluentibus depressæ sunt, itaq; salivatio earum angustias pensat. Imò alia depressionis ratio est, nempè oscilla ductuum excretoriorum, & ipsa spatia cutis intermedia, in unam vesiculā communem, more Cantharidum cutis admotarum inflammantur, ac exesa sunt. Ergo latè diffunditur materia contagiosa; non autem, ut in distinctis, certis limitibus comprehensa, und q; comprimitur, ac acuminatur. Salivatio itaq; non venenosam materiam expellit, sed, illā prius expulsa, certè ex maxima parte, occlusis jam cutis foraminulis, superflui vaporis à sāguine perspiratio, per fauces & pulmones fiat, necesse esse est. Imò ea tem salivatio nasceretur, nullus dubito, si pori cutanei, vel artificiali ulla alia de causa occluderētur; ut ex frigore, & Mercurij inunctione expetitur: nempè ab eo statim catarrhus, defluxio ingens, & spumosa saliva excreari solet, *Denique*, quòd salivatio non sit de morbosa materia, illud argumentum est, fauces ab ea, utut vehementi, minimè exulcerari, prout in eruptione cutanea fit.

Salivatio addis promovetur multa & tenui potione: ita quidem, & interdum diarrhœa funesta, & micturitio tua mortifera: hæc tibi in medicina facienda, scio sæpiùs accidisse: at causam non vidisti; tantus tuarum hypothesium amor est.

Sic Tragica deservit, & ampullatur in arte.

an non verè hoc est, laudem, an lucrum dicas, quæsitum ire in vita hominum?

Narcotica (pergis) in adultis movent salivam: sic medi amenta vehementer adstringentia citam alvum faciunt, & cathartica in diarrhœa fiunt, ex tuâ doctrinâ. Nam utriusque par ratio est. Quòd autem non multum & citu salivæ eruptionem impedian, facile credo; Quemadmodum verò in dysenteria nec opium comprimit ventrem, quin paucis momentis denuò citetur, victa ejus virtute à morbi malitia. Sic ab opio exhibito in variolis, ob necessitatem perspirationis, in aliqua saltem corporis parte, citò redit salivatio. At aliæ, eadè que longè potiores rationes sunt, propter quas narcotica dare in hoc morbo consueverunt medici; quòd ab eruptione, exigua tantum febricula sit, unde

de medicamentum æquè tutum, ac vinum in sanis; quòd in adultis metum, & nì pueris clamores & quærimonia tollit; quòd utrosque ab irrequietâ jactitatione prohibet, unde ulcuscula sorta tecta conservantur, ne in mortificationes laceffantur; quòd corpus in æquabili perpirationis statu vindicat. Sed de his infrà plura ubi medicamentorum rationes exhibebimus.

Hactenus cum iis rem habuimus, qui variolarum quandam innocentiam ac necessitatem ad *perficiendam humanam naturam* vindicant. *Alii* verò sunt, iiq; novì quoq; scriptores, qui nihil nisi venenum exclamant; alterúmque; *primarium Athletam novum*, & veteribus planè incognitum, præter sanguinem, humorúmque; massam; nempè *spiritum animale* in medium proferunt. Hunc autem diro conflictu cum veneno certantē exhibent; ex hoc, prælio si que lethalia symptomata & strages sint, illa omnia oriantur, necesse est. Itaq; in variolis nihil nisi dimicationes & Tragœdiæ in nervoso genere audiuntur: horrenda Toxica, ipsâ peste interdū pejora; ubiq; militaris apparatus, innumera stadia & castrametationes, vehemētissima alexipharmaca utramque; paginam implent. Atq; hæc omnia nobis ex mero postulato pro summa ejus viri modestia credere fas est.

----- *vidi ipse furem*

Cede Neoptolemeum, geminòsq; in limine Atridas.

Vidi Hecubam, centùmque; nurus, Priamùmque per aras

Sanguine sedantem, quos ipse sacra verat ignes.

Profectò in hanc arenam invitè descendo; tantus veneni timor est, ut quò me vertam, nescio; & nisi *paupertinorum spirituum* misericordia me moveret, hæc omnia silentio præterirem, eodem jure, quo ipse author omnes ante me de hoc morbo scriptores medico neglexit; præter unum meritò ejus *ant agonistam*. Nam ille in hoc morbo nihil omnino moliri voluit, & infrigidationes supra omnia axilia * animosè & ex summa misericordia in humanum genus extulit; & si quod morbo venenum inesset, in omne deberi malo regimini, & medicamentis perperâ exhibitis, Contrà hic omnia bona de calore, ut ita loquar, spiritigeno, valentissimis Antidotis prædicat; nempe tanto veneno domando & spiritibus sustentandis apprimè necessariis.

Discernite, quæso, ô boni judices, quis sanior sit ex isto Gladiatorum pari, sanè oppositissimo. Nam variolarum multùm interest, scire, an hac vel illa parte steterit victoria.

----- *inter*

Hectora Priamidem, animosum atque inter Achillem

Ira fuit capitalis, ut ultima divideret mors

Non aliam ob causam, nisi quod virtus in utroque

Summa fuit.

Profectò ego nihil determinare ausus sum. Tantùm difficultates quasdam paucis proponam: isti autem, eorúmve sectatores expediant ex otio, & quando commodum videbitur. De præore verò jam satis dictum est; de hac posteriore, opinione, quæ sentio, breviter exponam. Igitur ita se res habet, si rectè capio.

Venenum

* Haud parvo mihi labore, cura, & industria per multos annos continuos ea stetit neque jam à me fuisse evulganda nisi vicisset charitas in proximum, & studium aliis beneficiendi &c.

Venenum, unde unde ortum, spiritibus implicatur; praelium committitur; victo tandem veneno, à spiritibus fugatur hostis criticè, humores autem in conflictu à veneno inficiuntur, quæ necessario quædam eorum prædispositio est, ad expulsionem veneni expediendam. Nam venenum naturaliter massam sanguinis humorumque colliquat, funditque; item Fermenta quælibet alterat, vita autem ægrotantis non tam à febre, quam à veneno ipso spiritus delente, in discrimen ducitur, ita à vehementiore quovis symptomate in variolis, spiritus magis deleti, quam à primario veneno.

Atque hoc quidem omnibus, inquit ille, notum est. Cum verò fermentum variolosum præ omnibus fermentis spiritus irritet, *opio* & *alexipharmacis* frequentissimè exhibitis compescendum, itaque *Ladani* usus adeò necessarius est in variolis, ut sine eo nihil ferè in curatione variolarum perfici possit: at salvo jure *sp. vitrioli* aquæve, nescio cujus, *Stiptica Regia*. Atque hæc summa est hujus novissimæ doctrinæ de variolis: si quid omiserim, libenter aliquis, data occasione, mihi indicaret velim; nam reliqua omnia, quantum video, apud veteres uberius legere est: de quibus supra sententiam meam satis exposui.

Quid autem ego de spiritibus sentiam, non opus est, arbitror, ut hic repetam, at positis, non datis spiritibus tui causa, quomodo constat, venenum illos primùm adortum esse; spiritus dicuntur ex sanguine purissimo fieri, & in cerebro nervosoque genere hospitari; cur itaque per ejus flumen venenum transiens, non ipsum sanguinem massamque humorum primò inficiat, aut eò certè diluatur, & de ferocia sua aliquantulum remittat, ante quàm in caput ascendat, & per cerebrum nervosumque genus simul cum spiritibus in omnes corporis partes transfretetur *Willis*, qui primus, quantum scio, eandem opinionem protulit, non sine aliqua verisimilitudine, venenum *menstruum* fermentum facit, & homini connatum fuisse arguit; & cum cerebrum, spinalisque medulla, præcipuæ ex spermaticis partes sint, ibi naturaliter, quòd commodius, ab ipso fœtu formato dilituisse. At vana est hæc opinio, vide quæ supra exposita sunt.

Porrò, ais, humores in conflictu infici, pugna autem in dominio spirituum privatim celebratur, victoque veneno & ex gremio & amplexibus spirituum excusso, in sanguinem migrat; adhuc tamen omnis ejus malitia deleri non videtur; sed exit venenum ex nervoso genere, novæque turbas & febrem accendit in sanguine, ita facile per te ipsum redis ad Arabum doctrinam; nempe ad fermentum quoddam variolosum, sanguinem vehementer exagitans: Atque hæc est illa necessaria humorum prædispositio, quam illi ebullitionem vocarunt, à veneno autem post conflictum cum spiritibus recedente, sanguini inducta.

Rursus, ais, spiritibus à veneno implicari irretiri, comprimi, sopiri; penitus extinguì, ut non amplius se, pro sua natura elastica, expandi possint, venenum autem procax, & acerrimum toxici genus est, præ omnibus fermentis exagitans atque irritans, cutem inflamat humorumque massam fundit, itane? hæccine adeo incompatibilia sint, ut implicentur? an ab igne igni adjecto aliquis extinctionis metus est? ita est, fratrum concordia *rara est*.

Ita profectò sentis, nam ais vitam ægrotantis non tam à febre, quam à

D

veneno

veneno ipso, cum spiritibus præliante extra flumen sanguinis. Hinc usus Laudani tam necessarius est. maximè sit alexipharmaca mitridaticum, theriaca, diascordium adjecta sint; nempe *duplici* dosi, una pro spiritibus, altera pro veneno, scilicet ex hac mistura optima spes est criseos perfectissimæ. Sin autem sanguinis erumpat alicubi corpori cum veneno, actum est, nisi *spiritus vitrioli*, et aut aliqua Regia exhibita sint, sic duplici invento, uno tui antagonistæ, altero tui ipsius beamur, euge! optime novitium inventum! nam veteres scilicet.

Hac facetia est, anare inter se rivales duos;

Uno cantharo acidulo potare-

stupidi illi homunciones ne somniârunt quidem de acidis in hoc morbo dandis.

Taceo usum Corticis Peruviani; à quo propinato, ais, distinctas semper variolas sequutas fuisse. Perinde ut ab syrupo *Alyandaci* Alsaharavij, qui exhibitus ante eruptionem variolarum, si exierunt novem variolæ, non tamen pervenient ad decem. Ita interdum fortè fortuna & antiqua & nova inter se mirifice concordant, in maximum mortalium bonum. Sed proh dolor! corticem habemus; syrupus vero iste mirabilis, quantum scio, cum authore periit. Sed tantorum inanum rixarum tædet; *ubi parum* aut nihil, præter absurda quædam figmenta, occurrit.

Ad propriam praxin tandem pervenio. Nolo autem, ò bone lector, te examinare multitudine ægrotorum: paucas tantum & selectiores quasdam. Historiolas, *remediorumque gratia* potissimum recitatas, exhibere in animo est ut scias, quid ipse in hoc morbo curando facere consueverim; & ut medicamentorum maximè appropriatorum usus ac rationes paucis expediam. Profectò malum in hac urbe adeo quotidianum est; ut nemo nostrum est, quin ei à mediocri praxi facile foret vel suos centenos ægrotos exponere. Noli tamen timere; *adversaria* non exhauriam.

1. Miles quidam Gregarius fortè *Eboracum*, ex eunte Januario ante annos viginti adveniens, ubi nemo, quod scio, à pluribus annis variolis decubuerat, ex eo morbo mortuus est, primum vicinia ægrotavit ex infectione; tandem in totam urbem sæviit.

D. Harrison formosa puella, octoginta annos data, in proximis ædibus militi mortuo habitans, ex rumore vehementer territa est; mox se malè habere coepit; & capitis lumborumque dolore multum quæsta est: dein vomuit, & febricitavit.

Ei tum urina sæculenta, ex sæcibus albidis & fursuraceis.

Ipse vocatus leviter purgantem potionem dedi: à qua par biduum sese multo meliùs habuit, eadem verò mala denuò reversa sunt: atque iterum purgata est paulo validiore medicamento, à quo pejus se habuit, & pulsus vehementer concitatus est, inde ad septimum diem prima ægritudine medicamenta alexipharmaca (ex bezoar Oriental. pulv. è del croci, cochenel. &c.) data sunt; at citra pustularum eruptionem, quàm frustrà per integrum quatrimum (aliis infantibus jam tum in eadem domo cum variolis decumbentibus) expectavimus. Octavo sanguis è brachio missus est, ob difficilem spirituum, tussim siccam, & levem

1 la mentem mihi tandem venit *spr. vitriol. &c.*

veluti raucedinem; is refrigeratus, albida pellicula variegata contextus est. Ea verò nocte bene dormivit; & postridie perpauca & exiguas pustulas in facie videre licuit: nunc autem, omnibus malis tantum non finitis, bene se habuit, ipsa facies paululum intumuit, variolæ discretæ & acuminatæ fuerunt.

Triduo verò ab eruptione admodum frequentia sternutamenta, & multa puita & per os & per nares mota est.

Hodie quoque menstrua ex stato & debito tempore ei responderunt.

Quarto similiter manarunt menstrua, & alvus iterum respondit, eadem de gutture querimonia & insignis raucedo, & saliva copiosè mota, & sternutamenta. ipsæ autem pustulæ jam & numero & magnitudine multum auctæ; & earum pars media sive eminens ichore quodam limbo plena. Manus & brachia & facies iis replentur; at in reliquo corpore rariores.

5. 6. Omnia fausta: lachrimæ involuntariæ & apertis adhuc oculis, pustulæ jam albidæ, atque admodum intumescences.

7. Facies valde tumefacta: pustulæ prægrandes; iis color ex albido flavescens, cum pellucidæ ante fuerant; sicut etiamnum sunt in brachiis. Oculi ferè occlusi; & qui humor pridie in iis liquidus, jam crassus & veluti purulentus est, eadē turbulenta urina.

8, Pustulæ jam crustis arefcere cœperunt. 9, Eadem subaridæ, & biduo post decidere cœperunt; & sui vestigia vel levissimè impressa reliquerunt, an quòd corpus benè purgatum, quod sanguis missus sit; quòd menstrua suo tempore responderint?

2. D. Norton puella 18. annos nata, exeunte Augusto variolis affecta est. Primo autem ægritudinis die menstrua leviter responderunt: vehementer febriit; deque capitis & lumborum dolore immani querebatur, ea nocte deliravit. 2. Vehementi febre arsit, & non ad intelligentiam rediit, 3. Similiter se habuit: at jam exiguæ pustulæ rubræ in facie brachiisque apparuerunt: ad mentem rediit. Illa autem nocte sumpserat hujusmodi medicamentum (℞. Trochisc. Viperini ʒj. bezoar oriental. ℥ss. aq. Theriacal. ʒj.) 4. Pustulæ jam eminentiores, at distinctæ & velut vesiculæ aqua plenæ, ad earum verò radices cutis rubicunda, hac nocte satis commodè dormivit, febris ex magna parte desit. 5. Ipsa facies paululum tumidior, & auctiores pustulæ; adhuc tamen aqueæ, vesperi alvus primò respondit. 6. 7. Ex albido flavescebant pustulæ: oculi clausi, & lachrymis involuntariè stillantes. 8, 9. Summæ pustulæ siccescere incipiunt, ipsaque facies paululum detumuit. 10, 11. Oculi aperti: pustulæ in crustas indurantur.

N. B. Iphis crustis deciduis, tamen maculæ quasi *nodi* quidam in cute, diuturnidæ permanferunt.

3. Filius natu major 11. annos natus, D. G. Frankland de Thurtleby Militis, ex variolis distinctis decubuit: cibum autem etiam si è media matetia, tamen bis quotidie minimùm, quòd minimè ægrotavit, sumpsit; medicamenta taceo, quod nulla memini illi data fuisse, ad 16. diem è lecto surrexit; subitoque ejus artus omnes conciderunt, velut in apoplexia, & alto sopore correptus est; neminem cognovit, aut clamanti ad aures respondit.

Ipse nunc primum vocatus, puerum nè semel quidem in toto morbo deiecisse intelligo.

Frustra enemata acerrima etiam scybalis aliquod durissimi digito prius extractis ex ano, injecta sunt, eaque sæpè repetita, semper tamen irrita fuere.

Ita se habuit, ad viginti quatuor horas, adeo ut, quod ejus ori inditum est, nisi etiam gutturi penitus intruderetur, non deglutivit. Postridie autem manè *Extract. Rudij* in 4. pilulis gulæ interiori intrusimus, earumque operationem totas octo horas expectavimus. Mirum! quantum excrementorum, magnam partem liquidi usculorum, unâ vice involuntarie dejecit. Dictum factum! ad intelligentiam rediit, at ex altero femore resolutus est, & ad annum claudicabat.

In hoc casu noto vim liquefactam pharmacorum purgantium, etiam durissimorum scybalorum, nempe ex mota pituita è ductibus excretoriis.

3. Causam si quæras, cur alvus in variolis ferè ad multos dies supprimatur? Respondeo, verissimile est, etiam ipsa intestina variolis affici; itaque eadem rigida fieri ob frequentes pustulas inflammatas; eorumque adeo motum compressivum, pro eo certè tempore, necessariò, suspendi, facultatemque excretricem feriat.

4. *D. Harrison* mulier 20. annos nata, variolis confluentibus *Eboraci* decubuit; ægrè convaluit: longum esset omnia ex adversariis meis de illa scripta recitare; illud notabo, nempe ejus oculi diu à convalescentia sanis madebant, & inflammati sunt, huic & sanguis missus est; & medicamenta purgantia sæpius exhibita; atque alia multa *Tropica* admota: nihilominus oculi pessimè se habuerunt. tandem sic admirando effectu præscripsi [4. Ung. Tutia 3ij. aloes rosacei torrefacti 3j. benè lævigentur m. f. Lenimentum] alterâ quâque horâ illiti sunt eo medicamento oculi: paucis horis dolor levatus est, & sanies brevi ex toto sublata est, & inflammatio desit & oculi siccabantur: ut luce liberè & cum voluptate frueretur.

5. *D. Barkham* valde obesa mulier, plurimum infantum mater 1683. variolis excunte Januario decubuit, huic in prima correptione ingens capitis & dorsalis dolor, vertigo, nauseabunda, Febris. 2. Omnia pejora. 3. Omnia vehementiora, & variolæ hic & illic planè apparuerunt. menstrua ante tempus jam profluebant. 4. Plures variolæ: at præter expectationem & pro vehementia symptomatum admodum paucae & distinctæ. Febricitate desit, in genere eo die ptyalisimus ortus est. 4. Omnia benè se habuerunt. reliquam diariam non transcribam. 7. Jam [quod præcipuum & mihi tum valde novum videbatur] in universa cute innumeras exiguas maculas rubras, velut acu pictas; ac si nova Variolarum foetura instaret. Sic præscripsi [ʒ. bals. Leucatelli 3ij. Salis Martis ʒss. optimè lævigentur super marmor, hujus balsami Martis ʒss. ter quotidie dedi. Maculæ ad 9. prorsus evanuerunt. 13. Surrexit, è lecto, & tum primum sine ullo incommodo dejecit. Convaluit.

9. Juvenis quidam ex frigore vehementer coryza laboravit; sub eodem tempore variolis confluentibus graviter correptus est. toto decubitus tempore valde excreavit cum tussi & vix deglutire potuit, ipse ad 10. diem vocatus Bals. Martis ʒi, do: idque quotidie repeto, die 14. multo melius se habuit, &

benè & facilè degluite potuit; huic tantùm avenacea jufcula permifi. 15. primùm dejecit; & variolæ iucruffari videbantur; caput detumuit, at adhuc multum ex-
eravit. Convaluit. Quater ex balsamo Martis tantùm fumpfit, at optimè tulit me-
dicamentum, & ei, ut opinor, magno antidoto fuit.

7. Famula D. *Chesney* 30 annos nata, variolis *confluentibus* decubuit. præter decoctum *Avicennæ* ex ficubus, Tragacanth. sem. fœnicul. lacca, nihil præfcripti, item mucilag. sem. Cydonior. item à modum tenui victu nutrita est.

Variolæ depressæ & exiguæ fuerunt: huic sputum exiguum. Menstrua ferè assidue profluebant à primo correptionis die, item ex gutture ipso initio morbi val-
dè quæsta est, tanquam ex frigore aliquid mali accesserat.

12. Admodum ex gutture ægrotavit, ut penè anhelans suffocari videbatur; nec aliquid deglutire potuit. Jussi os elui melle violacco, cui paululùm omphacii ex pomis acerbis adjectum sit. Dein balsamum Martis ʒss. dedi, quod tamen admo-
dum difficulter devoravit. Item singulis binis horis ejus balsami Martis ʒss. ex sy-
rup. jnjubin, dari jussi, ea nocte optimè dormivit. 13. 14. B. M. scrup. f. singulis no-
ctibus fumpfit, gutture, ut à tea Collyrio tepide injecto bis aut ampliùs in die dili-
genter curato, jam primùm media nocte alvus mota est. 15. omnino detumuit fa-
cies, pustulæ siccescebant; gargarisato ore hujusmodi medicamentum fumpfit.
[U. mellis cocti unc. ij. syrup. violar. ʒss. mucilag. sem. cidonior. ʒjss. cochleatim
detur.] 16. 17. bals. martis ad ʒss. nocte fumpfit. Convaluit.

8. D. *Walker* ex frigore & itineris plurium dierum fatigatione febricitavit cū
gravi tussi, item à symptomatis variolas prædixi, à principio decubitùs vomuit,
& aliquoties dejecit, deliravit; huic ex Mithridat. scrup. ʒ. cū agaric. & sal. Martis
gr. ʒ. bolum dedi: item diacodij unc. ʒ. ex aq. hordei.

Huic tantum variolæ distinctæ, at propter tussim & sanguis missus est & dia-
codium in modica dosi singulis noctibus exhibitum est. 15. nihil id genus medi-
camenti datum est; ea verò nocte & pejus se habuit, tussi assidue vexata est; & se-
mel liquida dejecit: inde 16. mane idem diacodium datum est; nimirum propter
tussim conjunctam cum variolis. Convaluit.

N. B. Febris non ante 12. diem, id est, maturationis ultimum tempus, re-
misit.

9. D. *Tomlinson* juvenis robustus, ineunte Aprili variolis *confluentibus* affectus
est. Ipsiis pustulis erumpentibus sanguis è brachio ad unc. x. missus est, avenaceis
tantùm & fero lactis cibatus est. confect. alkermes & confect. de hyacintho pri-
mis diebus modicè fumpfit.

Decoct. pector. cum ciceribus & lacca assidue potavit ad ipsum morbi statum,
optimè se habuit; nec ei alvus mota est ante 13. diem. quo, die ab aliquo nescio
quo caseo recenti clam comesto, inhorruit, & difficilimè respiravit, & tantùm nō
animo defecit. Diacodij unc. ʒ. [nam ante ejus nihil fumpserat] & haustulo vini
canarini ex fero lactis: hominem restitui. Convaluit.

10. Filius D. *Pricket* Quæstoris publici Eboracensis, 8. annos natus, variolis
decubuit: distinctæ fuerunt, at insolitæ magnitudinis: nam inter eas fuerunt
magnæ, instar vesicularum piscium totæ aqueæ at nigricantes; ad vigesimum
diem

diem aquææ vesiculæ in pus non conversæ sunt, sed ex his à me pertusis aqua nigricans; instar succi mororum, effusa est, ad 27. diem vixit nullo digestionis signo in maximis variolis; & minoris haud tum siccarentur.

11. Filia D. *Tolhurst* in vico D. Martini habitantis, circiter 7. annos agens variolis distinctis, iisdemque paucis & plenis decubuit. Ei exhibita sunt vulgaria bezoardica è pul. chel. comp. in principio. Parum ægtotavit nisi primis diebus, nihil fere cibavit præter avenacea aut serum lactis ex cerevisia tenui aut tantillo vini Hispanici decoctum: 4. ab eruptione ad scapulas ingens *Bubo* subito ortus est, cum vehementi inflammatione circumcirca, etiam dorsum & collum latè occupante. 6. bubonem aperiri jussi; è quo pus ad aliquot uncias effusum est: pustulæ tamen variolosæ consueto tempore maturuerunt, vulnus diligentia & cura chirurgi *Jones* sanatum est. Convaluit.

12. Filius D. *Verney* Militis, juvenis ex immodico exercitio in sphæristerio variolis Londini decubuit: ei sanguis aliquoties missus est. Aliis plurimis medicis adscitus purpureas maculas variolis interspersas vidi, & latas nonnullas plagas, veluti vibices in brachiis & collo purpureas; hæmorrhagia narium & mictu sanguineo à primis diebus affectus est, non bene memini quid ei ex communi consilio præscriptum fuit, illud tantum curiosius animadverti, sanguinem refrigeratum *tenerrimum* fuisse, ut ejus crassamentum rubrum vel molliori pennæ pluma percussum facile dividi potuerit. Ad septimum obiit.

In aliis autem multis, quibus urina cruenta mota est, sanguinem è brachio missum adeo *aquatum putridumque* esse vidi, ut fluctuaret crassamentum in vase, non aliter quàm ipsum serum.

Neque ullam servatum memini in tanta pestilentia, nisi alia micturitionis cruentatæ fuerit causa; nempe vel epispastica adhibita, vel menstrua, aut puerperii lochia, & c. quæ admodum cautè distinguenda sunt.

12. Filia cujusdam *Wood* variolis distinctis at multis decubuit: huic multæ purpureæ maculæ per totum corpus dispersæ, quarto ab eruptione vocatus, febricitantem & delirantem inveni. Decoctum pectorale, cum ciceribus ordinavi: itè [R. spiritus vitrioli ʒi. olei vitrioli ʒi. diacodij unc. iij. misce] hujus cochleare tertiis quibusque horis exhibe, biduo maculæ purpureæ paulatim rubicundæ fiebant, deinde sensim disparuerunt. Convaluit.

14. Quidam *Dale* juvenis robustus ac carnosus, 23. annos natus, ex hæreditaria & materna labe ante biennium mentè captus est; quo spatio plurima ruri exhibita sunt ab aliis atque aliis medicis: tandem ineunte æstate Londinum venit, atque illum ad sex septimanas minimùm tractavi ad hunc modum: nempe semel in qualibet septimana sanguinem ad libram è brachio misi: itèque alternis diebus helleborismum ad 40. aut 50. grana veretri albi propinavi; vel aliquid è cupreis catharticis vehementioribus & justa dosi præscripsi. His autem vehementer & suprâ & infrâ humores moti sunt, hac autem methodo perstitit ad sesquimensem; quo tempore variolis correptus est.

N. B. Quamvis modicè cibavit, & sanguis ad plures libras missus fuit, atq; insuper valentissimis medicamentis ex omni, crederes, saburra & fæculentiis viciosi sanguinis humorumve hominem assidue & diu purgatum fuisse; tamen post

tôt & tantas evacuationes confluentibus variolis exitialiter decubuit, ad eum verò accersitus est collega meus dignissimus D. *Dames*, qui illum mecum sedulò curavit. Nihil autem peculiare in toto morbi de cursu animadverti, nisi quòd ad intelli gentiam non rediit, quamvis minùs ferox & paulo pacatior fuit, ad 13. diem ex sævitia morbi mortus est.

15. D. L. puella extertiana duplici, cortice Peruviano jam recens profligata in variolas mediocris numeri incidit, morbi autem decursus sine ullo gravi symptomate præteriit: ad 17. verò diem à decubitu rediit febris: sanguis ei missus est, & cortex denuò pro more exhibitus, convaluit.

16. D. *Clayton* juvenis, optimi corporis habitùs, ex sævissimo capitis & lumborum dolore variolis haud mediocribus correptus est, statim & in primis diebus Emeticum datum est; itémque eruptionem sanguis ad ℥viij. missus est. 4. Verò manè clara variolarum indicia visa sunt, quo tempore hæc medicamenta præscripsi [R. croci ℥j. cocheneil ℥iij, sacch. candi albi ℥j. m. in X. doses dividatur sexta quaque hora dand. ex haustulo infra scripto; nempe R. aq. foeniculi ℥vj. lactis alexiterij unc. vj misce in 4. haustus, adde unicuique diacodij unc. β.]

Item R. ficuum n. vi. cicer. rubror. contusor. unc. i. Glycyrrh. rasæ unc. β. sem. foenic. dulcis ℥ij. G. Tragacanth. unc. i. aq. fontan. ℔. iij. coque ad ℔. i. f. Apozema colaturæ unc. iij. tepefactas ter quotidie capiat.

Ad diem verò sextam ad expulsionem; quod aiunt, fortius promovendam sic præscripsi.

℥ bezoar. Oriental. croci an. ℥j. cochineil. ℥j. β. sacch. cand. ℥j. m. f. pulvis in iij, doses dividend. harum unam ad octavam nocturnam capiat, superbidendo haustum sequentem; aq. lact. alexiterij unc. iij. aq. foenicul. diacodij in unc. i. m. f. haustus.

Item alia fortiora alexipharmaca, siquidem opus fuerit, ad languores: nempe hujusmodi R. aq. lactis A. unc. iij. aq. mirabil. unc. ij. aq. foenicul. ℥ij. sacch. perlát. ℥i. m. coch. detur.

Ad octavum verò, quòd jam ex sputatione irrequietior fuit, haustui hypnotico adjeci ladiliq. cydon. gutt. vi. item Apozemati addidi triplicem quantitatem cicerum rubror. eoque etiam usus est pro Cargarismate.

Ad decimum, diem ad muturationem, adjeci croci hypnotico ultimò præscripto.

Deinceps verò pulveres omisimus, tantùm haustus hypnotic. indulsumus, convaluit.

Sexto aucem à casu Variolarum hoc medicamento dejecit. R. decoct. fennæ Cereon. ℥iij. β. syrup. violar. ℥β. syrup è succo citri aq. mirab. an. ℥vj. syrup. è spin. cervin. ℥j. β. m. f. potio. cum custodia sumend. eâ alvus satis mota est. eandemq; identidem potionem ter ampliùs debitis intervallis cum euphoria cepit.

Quod ad victum verò attinet, hordeacea & è pane confecta juscula & similia præscripsi; quibus tamen vinum semper adjectum est, itémque vinum Canarinum merum, certè semel idque fere quot die mane indulsi, item idem vinum ex lactis sero, pro more Anglorum coctum, quantum & quoties voluit.

N. B. Quamvis à sanguine misso fere riguit sudore frigido: tamen à Cardia-

cis exhibitis non amplius ægrotavit aut admodum febricitavit, certè non ultimis morbi diebus, cùm altera febris accendi solet, prout fert quorundam vana opinio.

17. Filia D. *Hamden*, 17. annos nata, non ita valida, sed macilentior, febre arsit, cū vomitu, & ingenti capitis dolore, triduo toto à decubitu ad omnia, quæcunque oblata fuerint, vomuit, & victum & remedia: tandem cū frustra omnia tentasset, suasi, ut *vinum Hispanicum* minimè assuetæ daretur: dictum factum, hujus ad unc. vj. protinus siccavit, nec amplius vomuit, postridie verò manè variolæ eruperunt cum bonis avibus. Pulverem deinceps *è chelis comp.* cum granis aliquot *bezoar. Oriental.* bis quotidie sumpsit, item *diacodij* unc. ℥. ex aquæ lactis alexiterij haustulo, bis similiter propinavit, manè & vesperi. At *N. B.* vini præterea Hispanici ad lib. i. spatio 24. horarum quotidie ebibit: idque meru a, convaleuit statò tempore sine ulla amplius ægritudine. Huic autem variolæ *confluentes* fuere, facie potissimùm atque artubus; & veluti Pisculorum vesiculæ inflatæ sunt, latèque cutim occuparunt, pulchra ante, nec multo minùs pulchra à convalescentia; nempe variolarum vestigiis modicè exsculptis.

18. D. *Strickland*, primaria fœmina: triginta annos nata, sæpiùs fœliciter peperit; & aliquoties deinceps abortiri consuevit, ipsa autem abortione instante febre vehementi arsit cum profluvio menstruorum non modico, ipse vocatus Variolas prædixi: postridie autem eruperunt *confluentes*, toto verò morbi decursu sic ei medicatus sum [℥. cochineil 3j. croci scrup. ℥. sacch. candi albi 3j. m. f. pulvis in vj. doses dividend.] harum unam è cochleari aq. Theriacal. sexta quaque hora: post triduum verò semel tantùm in 12. horis & sic ad finem morbi, item vinum. Hispanicum pro libitu potavit, item *Apozema pectorale* cum *ciceribus* rubris aliquoties in die, item diacodium mediocri quantitate manè & vesperi.

Sputum suo tempore valdè motum est: oculi ad plures dies clausi, convaleuit consueto tempore.

Menstrua per se compressa sunt: at medio morbi iterum at leniter mota sunt; identidem ad initium tertiæ Hebdomadæ, illa tamen omnia sine ullo gravi malo.

Huic autem sub altera aure parva *Parotis*, morbo declinato, exorta est, at non periculosa, sorte ex *cretata* facie, mulierculæ nescio cujus suasu.

19. D. *Ellis*, Equitis filia, carnosæ, & sanguinei [ut populariter loquar] temperamenti, 16. annos nata, capitis & dorsi dolore vehementer affecta est cum intensa febre synochâ, triduo à decubitu vocatus, in puellæ facie hic & illic minutas quasdam pustulas curiosiùs animadverti: adeoque sanguinem non misi.

Huic *cochineil. 3ij. croci 3℥. bezoar orient. scrup. j.* in vj. doses dividend. præscripsi, superbibendo *decoct. Pectoral.* [cum *ciceribus* 3ij. ad libram [3j. vel alteram, tepefactam sexta quaque hora, item vesperi & mane lene hypnoticum ex *diacodij* 3℥. &c.

4. Eruperunt innumeræ pustulæ & in manibus, & ubique corporis, & symptomata plurimum remissa sunt; nempe dolores utrique & faucium angustia;

gustia ; & sitis & febris diminuta est.

5. Multo plures pustulæ visibiles fiunt ; & vesperi menstrua profluebant , biduo ante statum tempus : ea nocte alvus per se mota est. *crocus* è pulveribus jam *dempta* est ; cætera ut ante exhibita.

6. Omnia fausta ; pustulæ elevatæ sunt & auctæ , & jam quasi crassiusculo pure repletæ albescunt. menstrua adhuc modicè fluebant.

7. Se habuit ut pridie.

8. Menstruis nondum siccatis , & spiritûs angustia & levi horrore subito correpta est. *crocum* pulveribus rursus adjeci , etiam duplicatâ ejus quantitate. mirabile quidem quàm citò ex eo medicamento cum levi diaphoresi refecta est.

Deinceps verò optimè se habuit sine ulla amplius ægritudine. tempore convaluit.

19. D. *Colshorpe* mediæ ætatis mulier , ante annum diu & vehementer vexata est menstruis & uterinis profluviiis albidioribus ad summam imbecillitatem : à quibus à me ad integram sanitatem restituta est. Autumno insequente Tertiana duplici laboravit ; ex hac verò valde debilitata est. Iter tamen in Hiberniam meditata est : at subito ineunte Novembri arsit ; ipsa recidivam febris intermittentis esse credidit. die verò à decubitu quarto vocatus , Variolas tantum non erumpentes animadverti. ipse protinùs vinum Hispanicum cum pane amygdalato propinavi. idque semel atque iterum quotidie sumpsit : item juscula è pullo gallinaceo & avenacea , & cerevisiam ex usu bibendum indulsi.

Hæc autem medicamenta præscripsi. ℞ Decoct. Pectoral. ℥ ii. *cicerum* rubr. cont. ℥ iii. coque leni igne ad medias cola f. *Apozema*, hujus ℥ iii. tepidas ter quotidie sumat.

Item , ℞ *crocus* ℥ i. *cochineil.* ℥ β. sacch. Tantillum , misce f. pulvis in viii. partes dividend. harum unam quarta quaque horâ è Cochleati aquæ Theriacalis da.

Item ℞ aq. lactis alexiterii. ℥ ij β. diacodii ℥ i. misce f. Haustus. nocte ad horam octavam dand. idem iteretur quotidie manè.

Per triduum verò ab egressis variolis hac methodo usa est. mox per duos alios dies eundem pulverem non nisi sextâ quaque hora propinandum jussi. post tres verò reliquos dies eundem pulverem tantum manè & vesperi sumpsit.

At ad triduum ampliùs eundem hypnoticum haustulum , cui Laud. liquidi guttas viii. adjeceram , ebibit. convaluit.

Hæ autem variolæ ex *confluentium* genere fuere , totumque corpus occuparunt ; ne semel tamen aut doluit capite , aut ulla parte corporis , aut deliquit spiritus liber , fauces admodum apertæ , & tanquam in optima valetudine & panem tostum cum butyro interdum comedit sine ulla querela.

Omnino nullus *Ptyalismus* ortus est : saliva , nec defecit , nec abundavit , quantum ego & necessarii ejus , aut ipsa sæpius à me interrogata de ea re , advertere potuerimus : ad plures tamen dies oculos clausos habuit , præ mali vehementia.

Porro alvus ne semel quidem in spatio 16. dierum mota est : quàmvis post 12. diem comedit pruna & poma cocta dejectionis causa.

Illud denique notandum est , illam intra se simul habuisse duas tresve un-

cias *Cochineil*: neque tamen etiam ipso pustularum maturationis tempore, nisi admodum leniter, certè citra febriculam incaluit.

21. Filia D. *Chetvind*, admodum velatudinaria, pallida, anhelans, macilenta, variolis correpta est. Triduo autem ab eruptione me vocavit: omnia pessima inveni; nempe pustulas exiguas confluentes, compressas, febrem acrem, vigiliam, nauseam, spirandi difficultatem, &c.

Tenui victu ex avenaceis, item cerevisia tenui, si quam postulet, utatur. At vinum Hispanicum aliquoties in die pro medicamento dari jussi.

Hæc autem remedia præscripsi. videlicet, ꝛ croci ꝑi. ss. cochineil. ꝑss. Sacch. Candi ꝑj. m. f. Pulvis in vi. partes dividend. quarum unam tertiâ quaque horâ capiat ex aquæ Theriacal. cochleari. item Apozema pectorale cum *ciceribus rubris* pro potu quotidiano, liberaliter exhibendum. item nocte & mane lene & medio-cre hypnoticum ex diacodii ꝑss.

Mirabile; intra biduum pustulæ ingenti intumescencia per totum corpus elevatae sunt. item totum caput intumuit: oculi ex toto clauduntur. statò tamen tempore optimè convaluit.

N.B. Pustulæ, maximè in manibus & carpis, velut totidem pisciculorum vesiculæ paulo diutius permanserunt tumefactæ, quam alibi corporis.

22. D. *Eliz. Finch*, illustrissimi Comitissæ de *Winchelsey* filia, 17. annos nata, ex vehementi dorsi dolore & febre decubuit, ad multam noctem vocatus variolas prædixi. sanguis ad ꝑviii. missus est, item Apozematis pectoral. cum ciceribus haustulum sumpsit, vinum Hispanicum & unam vel alteram dosim *Cochineil* cum croco eâ nocte, postridie verò manè variolæ egredi incæperunt, quibus visis, necessariis alterum Medicum magni nominis accersi placuit. nostra verò methodus ei minimè arrisit: atque adeo, humanitatis causa, illi præscribendi vices cedere volui, igitur ex hodierno more & virium & calefacientia omnia, vel à culina vel ab officina omnino prohibita sunt. At lac, aut avenacea, aut poma cocta, aut cerevisiam tenuem ei assumere pro arbitrio indultum est; per triduum verò ab eruptione hæc medicamenta præscripta sunt [& aq. lact. alexiterii ꝑiii. sp. vitrioli gut. vi. diacodii ꝑi. m. f. haustus. ter quaterve quotidie iterandus. item *decoctum album* dictum, & aq. lactis alexiterii cum saccharo perlato & præterea nihil. eventum scire desideras: omnino nulla pustularum confluentium intumescencia secuta est: pustulæ sublividae & sine pure. Quarto ab egressu, cum omnino conclamata Medico socio visa fuerint, methodum mutare mihi copiam fecit, & valedixit. Quinto mortua est, universis pustulis nigricantibus.

N.B. Non audiendi sunt, qui ut symptomati alicui, ut ut vehèmenti & maligno, occurrant, morbum ipsum ex toto negligunt. cujus summa accuratio est, pustularum intumescencia. at certè acida & frigefacientia omnino illas impediant, quo minùs intumescant. Proximo autem atque ultimo *medicamentorum*, à me certè exhibitorum *rationes ac usus* paucis expediam.

Quòd verò ad venæ sectionem, vomitum, purgationem, enemata, vesicatoria,

1. Cognovi Medicos, qui ab Scorpione ictis nihil aliud, quàm ex brachio sanguinem miserunt. C. Celsus. Item alibi à rabiosi canis morfu sanguinem homini mitti non alienum est.

cātoria, frigida potionem & similia evacuantia atque infrigidantia in variolis attinet, nihil amplius habeo, quod dicam, quàm quòd supra comprehensum est nempe illa omnia fieri solere ad caloris febris excessum temperandum; at citra spem diminutionis materiæ venenatæ aut morbi solutionem, cùm is omnino consistat in expulsionem papularum à venenato superfluo excitatarum; earumque debita maturatione, quæ suis temporibus privatim fieri consueverunt: quæ tamen tempora ullis remediis, aut aliquo artificio adhuc cognito, quicquid vani homines atque audaces contrà contendunt, vel unum diem, non horulam fortè, accelerari non posse, etiam mulierculis notissimum est. Igitur infrigident, calefaciantve, quantum volunt, nihil tamen promovent; ac immensum & funestum damnum inferre possunt.

Verum ipsa jam medicamenta interna privatim pensitemus; scilicet quæ peculiariter ad hunc morbum adhibita sint. Atque hæc in duas præcipuè classes distribui commodè possunt: nimirum vel in ea quæ inflant, & superfluitates expellunt, pustulasque excitatas maturant: vel in ea, quæ propriè veneno adversantur: etiamsi in his ultimis quoque sint quæ & propellant & digerant.

Primi autem censûs, sunt ficus, crocus, sem. fœniculi, apii, cicera, lenticulæ, g. tragacanthi.

In altero verò censu sunt. lacca, cochineil, trochisci vipèrini, pulveres testacei. Acidi quilibet succi, agrestæ, limonis, granati; vitriolum, vinum, opium, theriaca. de his autem singulis breviter dicturi sumus.

1. Ficus.

Has verò supra omnia medicamenta ad variolas laudant Arabes: Ficus sunt vehementis expulsionis ad exteriora, & illud est una de causis evasionis à nocumento earum, at rursus aqua ficuum est bona valde. hæc Avicenna, nec immeritò. Etenim, quamvis ad hunc morbum novum primò ab Arabibus adhibitæ sint, tamen usu à Græcis diu ante exploratæ, & à consilio chirurgico, sicut cætera ferè omnia medicamenta, inventæ sint. Priscis, inquit Plinius, * nihil intentatum; inexpertumque fuit, nihil occultatum ab illis, quodque non prodesse posteris vellent; unde in admirationem curæ Priscorum diligentiaque animum egit.

Audiendus autem est Scribonius Largus, qui usum & rationem utilium medicamentorum à chirurgia esse expressis verbis perhibet. implicitas medicinae partes inter se, & ita connexas esse constat, ut nullo modo diduci sine totius professionis detrimento possint. ex eo intelligitur, quod neque chirurgia sine diætetica, neque hæc sine chirurgia, id est, sine ea parte, quæ medicamentorum utilium usum habet, perfici possunt.

Idem ex communi usu veterum Medicorum nos docet C. Celsus scorpio sibi ipse pulcherrimum medicamentum est. quidam contritum cum vino bibunt, quidam eodem modo contritum super vulnus imponunt. ac si idem utrobique esset effectus, nec multum interesset. ita, eodem autore, certæ quædam herbæ bene faciunt & cum vino potui datæ, & super vulnus impositæ.

Igitur Dioscoridem adeamus. Ficus deploratis & cacoethicis ulceribus mendantur: duritias, parotidas & furunculos emolliunt, panos ad maturationem

perducunt. evocant pustulas, sudoresque movent [ἐξανθημάτων ἢ ἰδρώτων προκαλῆσαι] fici succus lacteus instillatus plagæ, percussis à scorpione, venenatorum iccibus, & rabiosi canis moribus auxiliatur. hæc autem faciunt in chirurgico apparatusu. intus verò sumptæ eadem faciunt, & insuper sitim sedant, calorem restringunt fervefactæ & pulmonibus, arteriæ & tonsillarum inflammationibus profunt. si tot itaque & tanta de ficibus antiquis Medicis experta fuerint, an non medicamentum variolis maximè accommodatum optima cum ratione ab Arabibus creditum est? At, inquires, quomodo hæc tanta efficiant? idem author te docebit, nimirum serum concretum à veneno dissolvendo, meatus glandularum aperiendo, atque partes inflammatas emolliendo, pustulasque ad maturitatem, perinde ut ceteros abscessus, producendo.

At tu harum rerum causas in occulto positas & proprietates scire à *priori* desideras, & scio quàm negotiosus es. itaque & consule operarios chymicos, qui salia plantarum extrahunt, olea exprimunt, & similibus torturis veritatem abditam exquirunt; tum rationem institue de salis cujuslibet innati, oleique quantitate, natura, statu, combinationibus. hic certè si rectè computum facias, maximè ex aliqua neoterici hypothese, næ multo doctior eris, & intelligentior de herbarum virtutibus & usu. profectò in his tantis minutiis non is sum, qui plurimum satago.

2. Crocus.

Crocì autem usus & rationes, quatenus ad rem nostram pertineant, ex Dioscoride hæc sunt. Crocus ex vino ad aliqua venena vergentes ad ignem sacrum inflammationes mulcet, vim coquendi ac emolliendi habet, urinam ciet, venerem stimulat, miscetur utiliter potionibus, quæ ad internos parantur affectus, qui ex passo biberint, crapulam non sentient. crocus optimus, qui subacris. Igitur nescio an aliud medicamentum aptius. nam quòd fortiter expellere & inflare potis sit, constat, quatenus urinam & venerem moveat, & subacris gustus sit. itemque quòd inflammationes concoquit, emollit, mulcetque. potenter digerit, quòd crapulam prohibet. & veneno privatim adversatur. His addo, meatus ideo aperit, quòd è subtilissimis herbis *infectoriis* est.

3. Feniculum; Apium.

Hæc peculiariter adversus venena *Serpentum* ex vino exhibita sunt. illud expellit, quòd epotum mammas lacte replet: itemque quòd urinam mensesque movet. hoc easdem virtutes obtinet; atque tam hoc, quàm illud æstuantem stomachum mulcent in febribus, ad inflammationes, oculorum putà, privatim conferunt.

4. Lentis. Cicera. G. Tragacanthi.

Lentis contra subversionem Stomachi. ad pustulas, herpes & erysipelatas inflammationibus medentur. Diosc.

Cicera ad inflammationes; ad scabiem, ulcera capitis manantia, lichenas: ad cancrofa & maligna ulcera, authore Dioscoride. itemque Arabes ea exhibent infantia ac *lenitiva*. conferunt *Apostematibus calidis*, & iis quæ sunt in glandulis. & privatim conferunt *dolori dorsi*. nutriunt ex his sorbitio pulmonem melius, quàm res aliqua, clarificant vocem. aperit oppilationes & vehementer

venerica

venerea ex vino, i. e. quòd *inflant*; unde magnopere distendunt ductus excretorios, expelluntque superfluum vaporem. Avicenna.

G. Tragacanthi. Quamvis peculiariter id medicamentum inflammationes sedet, autore Dioscoride; tamen quia ex papilionacea & siliquosa planta lachryma sit, ideo illud inter *inflantia*, sive expellentia jure, ut arbitror, posui.

§. Lacca. Kermes Cochineil. Trochisci viperini. Pulveris Testacei.

Hæc autem medicamenta, in aliam classẽ simul redigi; nempe propter affinitatem quandam, scilicet quòd medicamenta sint ex insectis, aut animalibus sanguineis frigidis. de iis autem apud *Græcos* parum, quod scio, dictum est; nec multum apud *Arabes*, nisi sparsim. at quæ sint, & quas potissimum virtutes, variolis accommodatas habent, dicam; idque ex veterum placitis, quantum res ferat.

Igitur *Lacca* mentio fit apud Galenum in Mithridatio. nequeo sanè *Fuchsio* assentire hanc *Cancanum* Dioscoridis fuisse: sed Arabum Laccam, esse ipsissimam hodiernam nostram constat. nam *Lacca* pura ab *Avicenna* in variolis; *Lacca* cum fustibus à *Rhafi.* eadem *Lacca* à fustibus detrita ab *Alfaharavio* præscribitur. hæc certè *coccus baphice* esse non potuit, quæ pura colligi solet, teste Dioscoride, ab *Ilice pumila*, ut hodie, apud *Monspelienses*.

Hæc autem *Officinarum Lacca* ab Indiis ad nos asportata, teste *Amato Lusitano*, omnibusque seplasiariis, quorundam insectorum, Formicis alatis persimilium opificium est, ab iisque fustibus adglutinari: atque ita non rarò venit apud pharmacopolas.

Clarum est, inquit *Johannes Bauhinus* veram esse laccam, quâ in officinis utimur, & adfertur ex *India Occidentali*, quæ fuerit forte nesciverunt *Arabes*, at ejus usum in variolis nos primum docuerunt. Ejus verò notitiam *Garcia* debemus; nempe esse ex Formicis alatis ortam & in extimis ferè ramis *Bir* arboris pruni feræ sive jujubini cujusdam generis generari.

Inter *διαφορητικά* i. e. quæ per insensiles meatus educunt, numeratur.

Kermes verò sive *coccus baphice* Dioscoridis ex arboribus glandes ferentibus i. e. ex pumila *Ilice*, colligitur. & granum quidem non est, sed alicujus *vespa* sive *apicula* labor; in quarum numero etiam *formica* sunt i. e. nidos & pabulum, more apum; vermiculo incluso à matre infecta provisum. de quo olim¹ uberius dixi.

Cochineil superioris seculi medicamentum: procul dubio ex analogia, quam habet cum reliquis Insectoriis Insectis primò à modernis exhibitum est,

Vermiculus hexapos est, i. e. è scarabæorum genere. & ferè in medio statim exsiccatus; antequam adolescat in scarabæum.

Atque hæc omnia ex communi quadam ratione ad venena conferunt.

Ita Cimices (ex scarabæorum quoque genere) demorsis ab Aspide prosunt. *Locusta Africana* afficcata ex vino hausta contra Scorpionis ictus magnopere confert. ita pulli *Hirundinum* i. e. Insectoriarum avium, exsiccati ʒi. ex aqua, angina succurrunt: ad uvæ & tonsillarum inflammationes conferunt. Diosc.

Trochisci viperini. hoc autem medicamentum optimè exponitur à Dioscoride nempe ex viva, i. e. integra vipera cum sale & *Caricis* & melle rosta & in fictili clauso, & ad lavorem trita conficitur, etenim ex iis ipsis etiam si sal conficiatur,

non

non est tamen perinde efficax. ipso autore.

Proprietas autem hujus carnis est, inquit Avicenna, quod *facit penetrare superfluitates ad cutim*; rursus, ejus exuviae expellunt superfluitates ad cutim & conferunt *lepræ magnificè*. eodem autore.

Vis autem insectorum communis *septica* est; qua de causa, inquit Dioscorides, medicamentis admiscantur quibus carcinomata, lepræ, & impetigines feræ curantur.

Pulveres testacei. medicamentum prophylacticum nulli secundum & in usu quotidiano, quamvis rationes vulgatas ejus rei non approbo. à veteribus adeo eas paucis deducere lubet.

Igitur ad Potionatos omnis generis conchyliæ cruda pariter ac tosta esse, salutare est. itémque locustæ marinæ, & astaci, ac potum eorundem jusculum: id est, tum Testacea, quàm Crustacea insecta: nempe è quibus nostræ adeo decantatæ compositiones è chelis fiunt.

Hi verò pulveres, autore Dioscoride, extrinsecus admoti ad psoras idonei. quatenus naturæ calci vivæ participes sint: intrinsecus verò propter eandem rationem alexipharmaca sunt; & privatim conferunt ad canis rabiosi morsus; contra serpentium & phalangiorum morsus & scorpionum ictus auxiliantur; & iis qui leporem marinum hauserunt.

Testudinis marinæ & terrestris ova quomodocunque cocta, & jus ranarum maximè faciunt ad *putrescentes purpuras* à salamandra hausta.

Cancris fluviales elixi ad haustum marinum leporem non mediocriter adjuvant.

Cochlea extinguit sanguinis fervorem. omnia cooperimenta ostraci absteigunt ulcera, & consolidant ea, & scabiei conferunt. stomachi dolorem sedant. ulceribus accidentibus in intestinis conferunt magnificè, autore Avicenna.

Illud certissimum est, ad animalium venena etiam privatim insecta, tanquam antidota à veteribus exhibita sunt. ita Scinci in Mithridatio, admodum diuretici sunt, venerem accendunt: adeoque expellunt vehementer per ductus excretorios. quæ sola ratio & usus est id genus medicamentorum.

6. Vinum, Opium, Mithridatium.

Vinum, maximè dulce; imò meri potio, idque interdum, certe ad aliquot venenatos ictus, largius potum² egregiè, inquit Dioscorides, auxiliatur. adeo copiose, si quod aliud medicamentum Mithridat. admiscetur.

Itaque admodum laudo usum nostratum, quo serum à lacte vel cerevisia, vel maximè vino albido divisum pro potu quotidiano in variis exhibere solent; maximè si tantillum C. C. vel crudi vel usti & calendulæ flores, nempe croci æmuli & medicamenta cuporista incoquantur. Etenim veteres vinum privatim dederunt ad *papulas* toto corpore erumpentes; ad omnes internas inflammationes & ad venena, ut ut dictum est, teste Dioscoride.

Opium autem inter prophylactica & expellentia medicamenta à veteribus numerari video: quod satis probat ejus effectus, si majore modo detur. epoto; inquit Dioscorides, papaveris succo tanta *sæpenumero* oritur prurigo, ut homi-

¹ Diosc. Alexiph. c. 6. ² Mulgum meracumque vinum omnibus venenis confert.

nem à veterino excitet. me olim, fateor, multum abstinuisse ab ejus usu, dum Eboraci medicinam facerem, nec me unquam poenituit; illud non dedisse; sed cum perlegissem consultationes, quæ de hujus usu in variolis D. Th. Mayerni manuscripserat: in quibus una est, quâ privatim in confluentibus variolis Medicorum Londinensium sui temporis, regno Caroli primi, laudani exhibitionem vehementer laudat; minus ejus medicamenti, certè ubi opus fuerit, à rationibus suprâ expositis, abstemius fui.

Syrupum mirabilem ad variolas Avicennæ ingreditur succus foliorum papaveris humidi, i.e. viridis & succus acetositis citri.

Grossi, inquit Dioscorides, cum sylvestris papaveris foliis ossa extrahunt, & furunculos discutiunt.

Mithridatium (in cuius numero pono Theriacam secundum Andromachum, Neronis Medicum, aliasque id genus innumeras compositiones prophylacticas) habet multa è supra comprehensis medicamentis, & alia ferè piperata & sudorem moventia, ideòque si intra modum à veteribus præscriptum i.e. ad fabæ Ægyptiæ magnitudinem detur, in gravibus variolarum symptomatis valdè accomodatum medicamentum est.

At quid sibi velit illa incredibilis audacia quorundam nostrorum hominum, planè nescio; nempe Theriacarum modum, eumque quotidianum in variolis ad Ælii ex bolo extendere. Audi Zebizium, qui de variolis longe omnium doctissimè ac uberrimè scripsit (auct. ad dis. 6.) antidota ac alexipharmaca illa magna, ut Theriaca, Mithridatium, elect. de ovo, Dioscordium Fracastorii, &c. etsi sudores potenter moveant, variolis tamen minimè, ob caloris acrimoniam [certè dosi supra modum aucta, ut nostris hominibus placuit] convenire videntur.

7. Acidi quilibet succi sive fructuum, sive Vitrioli. *Vitriolum Sulphur.*

Hi autem succi, nempe acetositis citri & granatorum & similium præcipuam commendationem apud Arabes in Variolis habent. eorum autem ratio à Priscis petenda est. malum citrium, inquit Dioscorides, bibitum venenis resistit. mala punica acida æstuantì stomacho auxiliantur. Urinam cient, i.e. promovent excretionem & fervorem temperant; certè in primis Variolarum temporibus.

Vitriolum. Sulphur: utriusque spiritus acidus.

Ita autem de iis perhibent veteres. Attramentum sutorium (χαλκάνθη) ex aceto ad venenum. Omphacium; sive succus uvæ acerbæ & viridis ex æneo vase ad mellaginem ad solem inspissatus, quo admodum diluto, inquit Dioscorides, & paucò utendum. contra Tonsillas, uvam, oris ulcera. In hoc verò numero sunt *Calciis*, *Mysysois*; nempe singula ejusdem familiæ medicamenta, privatim ad venena; ad *Herpetas* & *Erysipelata*, ad sanguinis eruptiones, Alexipharmaca & Mithridatica.

Sulphur vivum inest Mithridatio Galeni; id verò ex Dioscoride patet, fuisse quoddam Vitrioli Martis genus scilicet splendido colore, & translucens; & eversa quod ex Indiâ Orientali habemus, ex flavo-subviridi est; & pellucet
instag

instar Vitrioli. Verum suspicor equidem ipsum Martis Vitriolum ex quo noster spiritus acidus confici solet, antiquis minimè, nisi in hujusmodi sulphure, cognitum fuisse. Sulphur autem eundem spiritum acidum æquè dat, ac ipsum Vitriolum. Verùm istiusmodi spiritus virtutes ex Priscis, non à Chymicis petendæ sunt, quatenus solus Pyrites ferreus sive metallum ferri Sulphur & Vitriolum edat.

Sulphur itaque, quatenus ad Variolas efficax est, à Dioscoride dicitur *celeriter maturare*. Itemque ad lepras & lichenis confert Scorpionum privatim ictibus medetur pruritus totius corporis sedat.

Igitur acidum è sulphure & vitriolo duplici nomine ad Variolas accommodatur quatenus privatim venenatorum moribus auxilietur, & opio exhibito antidotum sit.

Hæc autem medicamenta, non hujus diei sunt, ut nos persuaderent vani homines, sed temporis in hoc certè seculo ineunte variolis adhibita sunt; nempe ex analogiâ acidorum succorum liberaliùs præscriptorum ab Arabibus. ut palam est ex Mayerni praxi, i. e. (consultationibus ad injuriam famæ tanti viri decurtatis) in Variolis evulgatâ.

1. Acetum in quo ferri stercus, quod *σκαρχίαν* Græci vocant,ustum prius infervescat sapius, & ita detur ad Aconitum. *Scrib. Larg.*

2. Proprie ad eas pustulas, quæ bufantes malè habent, lapis, quem Pyriten vocant, cum amaris nucibus miscetur. *C. Celsus.*

3. Acerum calidum potum, inquit Dioscorides, adversus omnia venena efficax est, præsertim contra *aconitina*.

FINIS.

